



余弱冠時即喜舊人尺牘前明國朝諸家所蓄甚夥四十年來
經眼者以數萬計玩其筆墨氣味證以稱謂行款未讀文句即能
知其世次定其真贋所識近地收藏之家如錢唐梁學士山舟先
生接山太守春睦參軍王檢叔處士陳澱水明府仁和趙晉齋明
經孫尋雲茂才海寧蔣夢華上舍嘉興李金瀾明經張叔未孝廉
金岱峰廣文馮柳東明府秀水殷雲樓明經錢學山廣文恬齋方
伯味根孝廉嘉善謝若農中翰平湖錢夢廬上舍德清戚馥林廣
文徐竹窗別駕鎮海王師竹廣文山陰杜尺莊孝廉陳霞西處士
蕭山蔡陸士茂才吳縣潘榕臯農部陸謹庭孝廉雅安上舍陶筠



椒茂才陳葦汀上舍貝簡香經歷長洲吳春生明經吳江戚藻村
處士震澤凌葦裳理問崑山吳銀颺明經嘉定瞿木夫理問金匱
錢梅溪參軍武進趙味辛司馬陽湖孫淵如觀察儀徵阮雲臺制
軍江都秦敦夫編修或千通或數百通或數十通少或一二通余
並得展閱審定著名者已得十七八可謂極東南藏棄之盛矣因
掇其精髓一一借鈎竊思近時簡牘若非書家或不珍惜易致散
失乃先刻 國朝六百餘家共七百三十餘札名昭代名人尺牘大
率以書家為主大家名家不憚煩複或一人而三四通七八通多
至十五六通若理學忠孝名臣逸士與經史金石詩古文家詞曲
家畫家所見無不采錄遇長簡或節去數語以省繁冗起 國初
遺老迄近日已故諸公間存師友數人次為二十四卷前列小傳
以資考核選擇致為謹慎非深信真確不敢漫登不署名之札不
特覈其文義事實或以詩牋便面證對筆法溯所自來然後列入
欲以存一代真蹟傳信後人不敢不過為矜重世有同好當必鑒
余之苦心摹刻工夫不惜心力務使人人得其用筆之意始嘉慶
甲戌至今已十二年刻既成為識歲月惜山舟先生謹庭馥林味
辛淵如晉齋澱水筠椒尋雲接山諸君之不及見也道光六年歲
在丙戌十二月之吉海鹽吳修書于青霞館時年六十二

昭代名人尺牘總目

卷一

顧炎武
林古度
俞南史
朱鶴齡
宋曹
張學曾

黃宗義
毛晉
錢澄之
顧有孝
王時敏
陳洪綬通

黃宗炎
歸莊
方文
紀昀鍾
王鑑
丁元公

傅山錢載跋
徐樹丕
陸世儀
冒襄
邵彌
張風

海鹽吳修編次

計

四

NATIONAL CENTRAL LIBRARY, TAIWAN, R.O.C

蕭雲從
張怡
楊補
項聖謨
惲本初
沈顥
文枬
褚篆
陳梁
閻爾梅

卷二

金俊明
鄭敷教
彭行先
顧夢游
俞時篤
嚴調御
張爾岐錢大昕跋
王錫闡

劉象先
張孝思
徐波
李漁
費密
王鐸三通
方拱乾
孫承澤

龔鼎孳
吳偉業
程正揆
曹溶二通

陳之遴
姜希轍
周亮工
梁清標

王崇簡
高珩
杜立德

魏裔介
魏象樞
李霽
傅以漸

黃機高士奇題
蔣超
宋琬
莊同生

方亨咸
李振宜
朱之錫劉體仁跋
法若真

梁清遠
宋徵輿
馮溥方象瑛題
鄧旭

張九徵
王廣心
何采
王庭

郝浴
沈荃五通
筮重光三通
程可則

卷三

魏裔介

魏象樞

李霽

傅以漸

蔣超

宋琬

曹爾堪

卷四

吳興祚

趙吉士

周荃

朱奎

顧樵

龔賢

查士標通五

程邃

張詔

顧苓

鄭籟

周容

湯燕生

祁豸佳

萬壽祺

褚廷琯

查繼佐

吳山濤

汪挺

邱上儀

巢鳴盛

方以智

朱嘉徵

陳瑚金俊明題

徐枋

周茂蘭

朱用純

錢汝霖

屠爌

徐善

陳確

張履祥

吳繁昌

吳謙牧修附

卷五

范承謨

陸光旭

王澤宏

嚴沆

楊雍建

項景襄

張惟赤

王士祿

田雯

顧約文

劉體仁

丁澎

何元英

王揆

李開鄴

宋德宜高士奇跋

劉芳躅

王士正通四

熊賜履高士奇跋

李念慈

錢陸燦

計東

吳兆騫

孫暘

杜 臻
曾 王 孫
徐 喈 鳳
林 雲 銘

卷六

陳 廷 敬
李 天 馥
毛 際 可
徐 元 文

葉 芳 藹
葉 封
彭 瓏
鄒 祇 謨

王 又 旦
張 玉 書
葉 映 榴
申 樞

嚴 我 斯
盛 符 升
曹 貞 吉
勞 之 辨

車 萬 育
衛 既 齊
錢 瑞 徵
繆 彤

吳 一 蜚
張 英 聖
顏 光 敏
汪 懋 麟

孫 在 豐
李 光 地
陸 隴 其
趙 中 喬

徐 乾 學_二
葉 燮
王 士 禛
白 夢 鼎

王 揆
王 原 祁

卷七

惲 格_{十三}
王 翬
吳 歷

姜 實 節
王 撰
王 欒
王 武

文 揆
周 儀
杜 首 昌
文 點

金 侃
楊 无 咎
唐 尚 昭
王 猷 定

卷八

陳 允 衡
余 懷
杜 濬
陳 恭 尹

卷九

黃雲
吳懋謙
曾燦
方膏茂

高兆
梅文鼎
顧祖禹
蔣鑑

許旭
顧湄
孫默
嵇永仁

黃向堅
侯方域
彭孫貽
徐秉義

王鴻緒通二
韓茨
徐倬
顧貞觀

彭定求
胡會恩
翁叔元
顧藻

葉舒崇
高層雲
成德

彭孫適
倪燦通三
汪霽
喬萊

王頊齡
李因篤
秦松齡
周清原

陳維崧
徐嘉炎
陸業
錢中諧

汪楫
袁佑
朱彝尊通五
湯斌通二

汪琬
邱象隨
潘耒
沈珩

施閏章
米漢雯通二
黃與堅
李鎧

徐執

卷十

嚴繩孫通三
李來泰修附
沈筠
吳元龍

龐瑄
馮勗
尤侗
張鴻烈

李澄中

毛竒齡

錢金甫

吳任臣

毛升芳

曹木

周起莘

魏學渠

宋實穎

董俞

徐咸清

吳雯

徐林鴻

吳農祥

葉奕苞

顧景星

閻若璩

王宏撰

夏駟

田茂遇

錢芳標

吳為龍

梁同書拔

卷十一

孫枝蔚

王嗣槐

鄧漢儀

朱士曾

黃虞稷

蔡方炳

陸嘉淑

陸元輔

魏禧

魏禮

萬斯選

萬斯大

萬斯備

萬斯同

譚吉璉

譚瑄

李繩遠

李良年

李符

周箕

周篁

沈進

繆泳

高佑鈺

沈皞日

沈岸登

徐真木

盛遠

項奎

許箕

潘廷章

查容

朱爾邁

胡渭

沈謙

卷十二

陸圻

毛先舒

陸繁昭

孫治

洪昇

諸九鼎

陳廷會

胡介

毛宗文

卓天寅

馮景

吳之振

宋肇

高士奇通二

吳綺

袁于令

王丹林

陳奕禧通二

賈鉉

禹之鼎

汪文柏

傅眉

周在浚

黃百家

曹寅

孔尚任

楊大鶴

曹鑑倫

趙執信通三

歸允肅

尤珍

卷十三

孫岳頒通二

周金然

王九齡

蔡升元

梅庚

龔翔麟

汪煜

張希良

蔣陳錫

仇兆鰲

宋大業

陳元龍通四

吳曠

梁佩蘭

孫致彌

唐孫華

史申義

查昇通六

沈宗敬通二

湯右曾通二

卷十四

楊賓

沈用濟

邵長蘅

蔣景祁

錢柏齡

錢綸光

顧藹吉

宗元鼎

郭元釭

高不騫

張雲章

沈翼

朱昆田

朱丕猷

吳士旦修附識

畢宏述

蔣深

曹曰瑛

楊晉

馬元馭

高其佩

博爾都

沈名蓀

翁嵩年

鄭梁

黃叔琳

惠周揚

陳鵬年

狄億

楊中訥

儲欣

顧圖河

嚴虞惇

周起渭

宋聚業

卷十五

姜宸英十五通

卷十六

汪士鋐十七通

卷十七

鄂爾泰

高式青

朱樟

魏坤

汪繹二通

徐昂發

楊守知修附識

徐永宣

勵廷儀

查嗣琛

查慎行

王式丹

章藻功

宋至

萬經

蔣建錫

何焯十通

卷十八

陳邦彥五通

賈國維

喬崇烈

方苞

方縈如

惠士奇

繆沅

秦道然

張大受

李紱

徐用錫通二

張照七通梁同書跋

王世琛通二

徐葆光

王圖炳通

林佶通二

杜詔

汪春來

傅王露

繆曰藻

卷十九

蔣衡通四

王澍通五

顧嗣立

汪應銓

鄭江

馬維翰錢載題

江永

盛錦

梁文泓

陳梓

李錯

高鳳翰

裘尊生

李世倬

張宗蒼

謝淞洲

沈鳳

方士庶

汪士慎

華岳

金農通二

丁敬

陳章

姚世鈺

汪惟憲

顧詒祿

李果

卷二十

錢陳羣通二

陸奎勳

柯煜

勵宗萬

盧見曾

陳宏謀

尹繼善

劉統勳

汪由敦

王峻

嚴遂成

鄒一桂

張鵬种

梁詩正

蔣溥

嵇璜

商盤

陳祖范

桑調元

英廉

鄭燮

曹秀先

全祖望

金德瑛

劉 綸 諸 錦 杭世駿 陳北崙通二

沈廷芳 夏之蓉 齊召南 方觀承

馬曰琯 馬曰璐 方貞觀 周 京

陳 撰 厲 鷄 萬光泰

卷二十一

胡天游 汪 沆 趙 昱 趙 信

朱稻孫 張 庚 德 保 沈德潛

袁 枚 袁日修 鄭虎文 錢維城

梁國治 朱 珪 劉 墉通六 周於禮

惠 棟 錢 載通三 翁方綱通三

卷二十二

梁同書通七 秦大士 盧文弨 紀復亨

顧光旭 倪承寬 阮葵生 陸 曜

徐 良 王又曾 朱 筠 紀 昀

王 昶 王鳴盛 錢大昕通三 周升桓

朱休度 彭元瑞 蔣士銓 彭紹升

卷二十三

王文治通七 畢 沅 趙 翼 王 杰

卷二十四

李文藻

曹仁虎

段玉裁

王宸

盛百二

梁燾

姚鼐通三

褚廷璋

戴震

趙文哲

尹壯圖

余集

曹錫寶

張頊

程晉芳

邵晉涵

錢澧

李長庚

孔繼涑

金榜

鐵保

吳錫麒通三

秦瀛

馮敏昌

錢世錫

法式善

武億

趙懷玉

汪端光

江聲

程瑤田

錢坫

汪中

黃易

鮑廷博

羅聘

奚岡

方薰

金德輿

范永祺

宋葆淳

趙魏

吳東發

吳文溥

王芑孫

黃景仁

孫星衍通三 修附識

惲敬

伊秉綬修附識

錢楷

桂馥

邢澍修附識

洪亮吉

張問陶

熊方受

陳希祖

尤維熊

陳鴻壽

張惠言

吳鼎通三

昭代名人尺牘總目

國家圖書館, NATIONAL CENTRAL LIBRARY, TAIWAN, R.O.C.



昭代名人尺牘小傳

卷一

顧炎武初名絳別字亭林江南崑山人年十四為諸生入復社即講求經世之學凡國家典制郡邑掌故天文儀象河漕兵農之屬莫不窮究原委考正得失以貢薦授兵部司務再薦職方主事皆不就康熙間詔舉博學鴻儒科修明史大臣爭薦之並辭未赴周歷西北二十年卒于華陰國朝稱學有根柢者以亭林為最吳江潘耒叙其遺書行世所著有天下郡國利病

海鹽吳修采輯

書肇域志音論詩本音易音唐韻正韻補正古音表金石文字
記求古錄日知錄左傳杜解補正石經考二十一史年表歷代
帝王京宅記序林文集詩集營平二州地名記昌平山水記山
東考古錄京東考古錄譎觚菰中隨筆救文格論亭林集等書
並有補于學術世道者

黃宗羲字太沖號梨洲浙江餘姚人忠端公長子少補仁和諸生
明莊烈帝即位年十九草疏入京訟寃袖鐵椎推許顯純拔崔
應元之鬚歸祭父遊劉戡山之門戡山死節後隨孫嘉績熊汝
霖諸軍于江上事魯監國授官職方改監察御史累擢左副都
御史從亡有年歸乃奉母以老康熙間薦舉博學鴻儒以病行
催不到薦修明史力辭 詔取所著書關史事者宣付史館
學本六經旁羅百氏俱得其本末尤精天文之學學者稱梨洲
先生著有易學象數論授書隨筆春秋日食歷孟子師說深衣
考今水經歷代甲子考明史案歷書明夷待訪錄留書思舊錄
二程學案宋儒學案元儒學案明儒學案大統法辨時憲書法
解新推交食法圖解割圓八綫解授時法假如西洋法假如回
回法假如明文海南雷文案文定文約等書

黃宗炎字晦木忠端公次子梨洲弟也明崇禎間貢生亂後賣畫

自給人稱鷓鴣先生講易獨開窠竄力辨太極圖之非著有周易象辭尋門餘論圖書辨惑二晦山棲等集

傅山字青主初字青竹別號公之它又號壺廬山西太原人隱居著書工詩文善畫兼長分隸篆刻精醫年七十餘徵鴻博至都堅臥城西古寺中不與試授官中書辭歸有霜紅龕集

林古度字茂之一字那子福建福清人孝廉章子移居金陵卒年九十餘有茂之詩選

毛晉元名鳳苞字子晉江南常熟人家有汲古閣多儲藏秘冊自羣經十七史以及詩詞曲本唐宋金元別集稗官小說靡不發雕公諸海內有功于藝苑甚鉅所撰有古今文苑毛詩名物考明詩紀事汲古閣珍藏書目刻書目

歸莊一名祚明字元恭號恒軒崑山人與同邑顧炎武相友善有歸竒顧怪之目工詩善行草書所著萬古愁傳竒痛哭流涕于桑海之際論者稱為離騷天問一種手筆

徐樹丕字武子號牆東居士江南長洲人少補諸生工詩善八分書甲申後隱居不出有中興綱目識小錄

俞南史字無殊號鹿牀江南吳江人安期之子工詩

錢澄之初名秉鐙字幼光更今名字飲光安徽桐城人嘗問易于

漳浦黃氏撰田間易學後乃兼求義理大旨以朱子為宗又撰田間詩學以小序首句為主所採諸儒論說自注疏集傳外凡二十家持論精核於名物訓詁山川地理言之尤詳詩得香山劔南之神髓有藏山閣稿田間集

方文字爾止號明農桐城人隱居金陵工詩有金山集

陸世儀字道威號桴亭江南太倉人著思辨錄數百萬言論明儒得失之故至當不易其學主於施行實政不空為心性之功於近代講學諸家最為篤實私謚尊道先生又曰文潛先生有格致編桴亭稿

朱鶴齡字長孺吳江人諸生甲申後棄去自號愚庵與顧亭林暨同里陳啟源相友善長于箋疏之學所撰毛詩通義尚書埤傳禹貢長箋讀左日鈔發明宋儒集註集傳所未及又有春秋集說易廣義略及愚庵小集諸書杜工部李義山詩注尤盛行于時

顧有孝字茂倫吳江人諸生詩尚唐音所選唐詩英華盛行海內又有五朝詩鈔明文英華諸選喜交遊陋巷蓬門四方賓至無虛日時有齏菜孟嘗之目嘗倩松陵女史沈關關刺繡作雪灘濯足圖過江人士以不與題詞為恨有雪灘釣叟集

紀映鍾字伯紫一字槩子號慙叟江南上元人自稱鍾山遺老移居儀徵工詩善書有真冷堂詩稿

冒襄字辟疆號巢民又號樸巢江南如臯人副憲起宗子為四公子之一明崇禎壬午副榜用台州府推官不就家有水繪園四方名士畢集風流文采映照一時嘗集同人投贈詩文為同人集十二卷私謚潛孝先生有水繪園詩文集

宋曹字彬臣一字邠臣號射陵江南鹽城人明崇禎時官中書國朝舉山林隱逸薦鴻博俱以病不出有書名

王時敏字遜之號煙客太倉人文肅公孫以廕官太常兵後隱于歸村畫山水法大癡得其神髓為國朝畫苑領袖愛才若渴四方工畫者踵接於門得其指授無不知名海虞王翬其首也工分隸精鑒藏有西田集

王鑑字元照一作員照太倉人弇州山人曾孫明崇禎間舉人官廉州守善畫山水摹古尤精與煙客石谷麓臺稱四王

邵彌字僧彌後以字行號瓜疇長洲人工書畫吳梅村有畫中九友歌謂董元宰王煙客元照李長蘅楊龍友張爾唯程孟陽卞潤甫及僧彌也

張學曾字爾唯號約庵會稽人以副榜官中書順治間為蘇州知

府善畫山水

陳洪綬字章侯號老蓮浙江諸暨人國子監生明崇禎間召入供奉不拜甲申後自號老遲又稱悔遲又稱弗遲書法道逸善畫山水尤工人物得李公麟法衣紋圓勁設色奇古論者謂筆意在仇唐之上與北平崔青蚓齊名稱南陳北崔

丁元公字原躬浙江嘉興人布衣工書精繆篆善寫意山水晚年為僧名淨伊字願庵嘗遍訪歷代佛祖高僧真容始自西竺大迦葉尊者迄明李蓮池大師繪為巨冊而各識其事蹟于後張風字大風一名觀上元人少為諸生亂後棄去書畫皆有別趣

款署真香佛空或稱昇州道士有雙鏡亭詩

蕭雲從字尺木號無悶道人安徽當塗人明崇禎己卯副榜善畫山水兼長人物所圖太白樓壁最著名有梅花堂遺稿

張怡又名自怡字瑤星上元人明諸生以廕官錦衣千戶寇陷京師大罵不屈匿複壁中乘間逸去晚築室攝山之白雲峰號白雲老人

楊補字無補號古農長洲人工詩畫甲申後隱鄧尉山

項聖謨字孔彰號易庵又號胥山樵浙江秀水人元汴之孫工畫董宗伯稱其樹石屋宇花卉與宋人血戰山水兼元人氣韻有

朗山堂集

惲本初字道生後改名向號香山江南武進人明經博學明崇禎間舉賢良方正授中書舍人不就善書工山水學董巨墨法晚年
年在倪黃之間著有畫旨

沈顥字朗倩號石夫江南吳縣人善畫有枕瓢焚硯等集

文枏字端文一字曲轅號漑庵長洲人從簡子甲申後棄諸生工書畫有漑庵詩集

褚篆字蒼書長洲人明諸生邃于經學工書

聖祖南巡召

見命書牋二幅

御書海鶴風姿賜之年九十六矣越歲卒

陳梁字則梁浙江海鹽人善書工詩自稱散木子又號侖者山翁亦稱浣公亂後為僧稱介亭和尚有菟園侖者浣筆池介亭諸

集

閻爾梅字調鼎號古古江南沛縣人明崇禎丙子舉人工詩長于七律鎔鑄史事最工有白奔山人集

昭代名人尺牘小傳

卷二

金俊明字孝章初名衮字九章號耿庵又號不寐道人吳縣人兵後棄諸生傭書自給工詩能書長於畫梅松謚貞孝先生有春草閒房詩集

鄭敷教字士敬號桐庵長洲人明崇禎庚午舉人與楊廷樞齊名舉賢良方正以母老辭隱居教授學深于易私謚貞獻先生彭行先字務敏一字貽令號竺里長洲人明崇禎中以貢生授知縣不就亂後隱居教授書出入晉唐與金俊明鄭敷教稱吳中



三老年九十二整襟起坐斂手而逝

顧夢游字與治江南江甯人貢生工古文詞善行草書晚年閉關以書易粟求者成市

俞時篤字企延又字近蘇浙江錢塘人諸生工畫能書

嚴調御字印持浙江餘杭人善書工詩與弟武順敕齊名有作朋集

張爾岐字稷若號蒿庵山東濟陽人明諸生兵後棄去選于經學尤精三禮為顧亭林所折服著儀禮鄭注句讀易說略詩說略春秋傳議夏小正注弟子職注老子說略蒿庵文集蒿菴閒話等書

王錫闡字寅旭一字昭冥號餘不亦號曉庵又號天同一生吳江人與張考夫講濂洛之學深於歷象精究推步兼通中西之術創新法候日月食著有大歷統西歷啓蒙丁未歷稿推步交朔測日小記三辰晷志園解曉庵新法歷說歷策左右旋問答諸書梅定九最所服膺

劉象先字今度上元人書工章草

張孝思字則之號懶逸江南丹徒人善書工畫蘭家有培風閣精鑒賞富收藏

徐波字元歎吳縣人少任俠亂後構落木庵以枯禪終有謚蕭堂
染香庵等集

李漁字笠翁錢塘人一作蘭溪人流寓金陵著一家言能為唐人
小說吳梅村所稱精于譜曲時稱李十郎有風箏誤等傳奇十
種及芥子園畫譜初二三集行世

費密字此度四川新繁人事父經虞至孝避獻逆之亂竄身西域
傷足至跛遊吳越至蘇門謁孫徵君稱弟子著宏道書聖門舊
章劔閣芳華集等書工詩為王新城所稱有燕峰文鈔詩鈔論
者謂蜀中著述自楊文憲後 昭代首推此度云

王鐸字覺斯河南孟津人明天啓壬戌進士入翰林 國朝官至
大學士謚文安書宗魏晉名重當代與董文敏並稱有擬山園
帖行世兼善山水

方拱乾字坦庵號甦庵桐城人明崇禎戊辰進士 國朝官至太
僕寺卿

孫承澤字耳伯號北海又號退谷晚自稱退翁直隸大興人明崇
禎辛未進士官刑科都給事中 國朝授吏科都給事中歷兵
部左侍郎加太子太保都察院左都御史好客家多藏書善鑒
碑版書畫著有尚書集解九州山水考詩經朱傳翼春秋程傳

補五經翼畿輔人物志四朝人物略元朝典故編年考益智錄
天府廣記春明夢餘錄學典閒者軒帖考藤陰劄記學約續篇
明辨錄樗林三筆典制紀略湖汭集庚子銷夏記研山齋集等
書

龔鼎孳字孝升號芝麓安徽合肥人明崇禎戊辰進士 國朝官
至刑部尚書謚端毅詩與吳梅村齊名尤工詞好獎勵後進有
定山堂集

吳偉業字駿公號梅村太倉人明崇禎辛未第三人及第歷官宮
詹學士 國朝官祭酒詩名最重七古原本初唐組織工麗聲
調鏗鏘世稱梅村體有梅村詩集文集

程正揆字端伯號鞠陵又號青溪道人湖北孝感人明崇禎辛未
進士榜名正葵官翰林入 國朝改今名官至工部侍郎工書
善山水有青溪遺稿

曹溶字潔躬號秋岳又號倦圃晚號鉅菜翁嘉興人明崇禎丁丑
進士由行人授御史 國朝官戶部侍郎外轉廣東布政使降
補山西陽和道戊午以鴻博徵復薦修明史俱不赴築倦圃於
城南有二十景之勝詩詞並擅名與合肥龔孝升稱龔曹魚長
尺牘有靜惕堂集

陳之遴字彥升號素庵浙江海甯人明崇禎丁丑第二人及第

國朝起翰林院侍讀學士官至宏文院大學士以結交近侍謫

戍尚陽堡有旋吉堂詩草浮雲集

姜希轍字二濱號定庵會稽人明崇禎壬午舉人 國朝官工科

給事中所言皆切中時弊遷奉天府府丞有左傳統箋雨水亭

集

周亮工字元亮號櫟園又號減齋河南祥符人移家白下明崇禎

庚辰進士由濰縣令行取御史 國朝授兩淮鹽運使歷戶部

右侍郎革職康熙初復僉事歷江安督糧道好古圖史書畫方

名彝器有讀畫錄印人傳字觸書影入閩記閩小記賴古堂詩

文集賴古堂文選鹽書同書蓮書尺牘新鈔藏弄集結鄰集刪

定虞山詩人傳耦雋等書

梁清標字玉立號蕉林又號蒼巖直隸真定人明崇禎癸未進士

國朝官至保和殿大學士精於鑒賞所藏法書名畫甲天下刻

秋碧堂法帖有蕉林詩集

王崇簡字敬哉直隸宛平人明崇禎癸未進士入 國朝充館選

歷官禮部尚書加太子太保謚文貞善畫米氏雲山有青箱堂

集

高珩字慈佩一字念東晚號紫霞道人山東淄川人明崇禎癸未
進士 國朝官至刑部侍郎有棲雲閣集

杜立德字純一直隸寶坻人明崇禎癸未進士 國朝官至保和
殿大學士謚文端

昭代名人尺牘小傳

卷三

魏喬介字石生又字崑林號貞庵直隸柏鄉人順治丙戌進士官
至保和殿大學士謚文毅國朝諸大典半屬文毅奏定風節
侃侃與魏果敏時稱二魏學宗朱子著有約言錄知通錄致知
格物解周程張朱正脈鑑語經世編多識集雅說集希賢錄資
塵新聞崑林小品兼濟堂奏疏文集諸書

魏象樞字環極號環溪又號庸齋山西蔚州人順治丙戌進士官
至刑部尚書謚果敏為吏科給事中疏論時事直聲震朝野為



左都御史劾明珠有知人鑒湯孔伯于北溟陸稼書郝冰滌皆其先後疏薦有寒松堂集

李霽字景雷號坦園直隸高陽人明大學士國樞于順治丙戌進士拜大學士年才三十四謚文勤有心遠堂詩集

傅以漸字于磐號星巖山東聊城人順治丙戌第一人及第官至秘書院大學士以清勤著學者稱星巖先生有貞固齋詩集

黃機字次辰號雪臺錢塘人順治丁亥進士官至文華殿大學士謚文僖有浥露堂詩文集

蔣超字虎臣自號華陽山人江南金壇人順治丁亥第三人及第

官宏文院修撰性淡泊斷葷血好方外交順天學政秩滿告歸過百泉謁孫徵君遂達峨嵋居伏虎寺端坐吟詩而逝翼日有胡生遇諸山椒頻呼不應及入寺知已死乃大驚有峨嵋山志

綏庵集

宋琬字玉叔號荔裳山東萊陽人順治丁亥進士官四川按察使詩入杜韓之室感時傷事之作多淒清激宕之音與施愚山齊名世稱南施北宋有安雅堂集

莊同生字玉驄號澹庵江南武進人順治丁亥進士官右庶子兼侍讀負才名善繪事有澹庵集

方亨咸字吉偶號邵村桐城人太僕拱乾子順治丁亥進士官御史工詩文善書精于小楷兼長山水與程青溪顧見山稱鼎足季振宜字詵兮號滄葦江南泰興人順治丁亥進士官御史家藏宋元板書精本最富有季滄葦書目及靜思堂詩稿

朱之錫字孟九號梅麓浙江義烏人順治丙戌進士官兵部尚書總督東河以勞卒為河神立廟河畔乾隆間 褒封永寧侯法若真字漢儒號黃石亦號黃山山東膠州人順治丙戌進士官康熙己未薦鴻博未用官至安徽布政使工書畫有黃山詩留梁清遠字無垢真定人清標弟順治丙戌進士官侍郎有雕邱雜

錄被園集

宋徵輿字轅文江南華亭人順治丁亥進士官至副都御史早歲工詩與陳臥子李舒章齊名有林屋文藁詩藁

馮溥字孔博號易齋山東臨朐人順治丁亥進士官至文華殿大學士加太子太傅謚文毅好宏獎人物在京師築萬柳堂與諸名士觴詠其中有佳山堂集

鄧旭字元昭安徽壽州人順治丁亥進士官翰林院檢討出為甘肅洮岷道乞歸有林屋詩集

張九徵字公選號湘曉丹徒人順治丁亥進士官河南提學道康

熙戊午薦鴻博力辭

王廣心字伊人號農山華亭人順治己丑進士官御史有蘭雪堂詩集

何采字滌原號南礪又號省齋亦號蘆莊桐城人明大學士如寵子順治己丑進士官左中允工書

王庭字言遠一字邁人嘉興人順治己丑進士官山西布政使工詩與兄价人稱梅里二王有三仕二西秋閒漫餘等草

郝浴字冰滌直隸定州人順治己丑進士以御史巡按四川請開屯田足兵食為全川計民賴其利賊圍保寧陳吳三桂兵驕橫

劫殺三桂劾其欺罔謹戍遼陽居二十年潛心經義好孟子二程子書三桂叛魏環極再疏薦之起故官尋出撫廣西

沈荃字貞蕤號繹堂又號充齋華亭人明小學士之後順治壬辰第三人及第官至禮部侍郎謚文恪工書繼董文敏而起為時所重有充齋集

笄重光字在辛號江上外史亦稱鬱岡掃葉道人丹徒人順治壬辰進士官御史書出入蘇米其縱逸之致王夢樓最所稱服畫

山水蘭竹得點染之趣惲南田王石谷常主其家鑒賞最精程可則字周量一字湟漆小字佛壯號石臞廣東南海人順治壬

辰會元官桂林守詩為嶺南大家不在三家之下有遙集樓海

日堂詩集

曹爾堪字子顧號顧庵浙江嘉善人十歲能文十二善詩詞順治
壬辰進士官侍講學士與宋荔裳施愚山沈鐸堂王西樵阮亭
汪堯峰程滄溟稱海內八家有南溪集杜鵑亭集

昭代名人尺牘小傳

卷四

吳興祚字伯成號留村浙江山陰籍漢軍正紅旗人由貢生授萍鄉知縣以薦勦平耿逆超擢福建按察使陞巡撫平海寇晉秩一品擢兩廣總督能詩好客有宋元聲律選留村詩稿

趙吉士字天羽號恒夫安徽休寧人入籍錢塘貢生官戶科給事中降補國子監學正著有續表忠記音韻正譌寄園寄所寄萬青閣全集

周荃字靜香號花谿老人長洲人大兵下江南荃首先向道以



功授開封府遷觀察善山水花草用齊楚觀察印

朱奔字雪個故石城府王孫也甲申後號八大山人書有別趣畫

山水花鳥竹木亦多奇致款題八大山人類哭之笑之字

顧樵字樵水吳江人工畫有詩名

龔賢字半千號野遺又號半畝亦作柴丈人上元人善畫山水用

墨濃厚自成一家有香草堂集

查士標字二瞻號梅壑江南海陽人明諸生流寓揚州書法襄陽

極似董文敏善山水負盛名有絕工者得元人秀逸之致有種

書堂遺稿

程邃字穆倩號垢區又號垢道人自稱江東布衣江南歙縣人居

江都明諸生長於金石考證刻石印精深漢法而能自見筆意

擅名一代善畫山水多用乾筆工詩有會心吟

張紹字力臣號亟齋江南山陽人棄諸生以賣書畫為生精心六

書之學顧亭林所折服亭林音學五書皆力臣手寫付梓貧而

嗜古尤究心于金石後以聾廢而考證彌勤有昭陵六駿圖贊

瘞鶴鳴辨

顧苓字云美吳縣人善隸書工篆刻精鑿金石碑版有塔影園稿

鄭簠字汝器號谷口上元人以八分擅名

周容字鄮山一字茂三號覺堂浙江鄞縣人亂後棄諸生有欲以鴻博薦者以死力辭善書畫工詩有春涵堂集

湯燕生字元翼一字巖夫安徽太平人詩文有名於時兼工書法有商歌集

祁豸佳字止祥山陰人明天啓丁卯舉人以教諭遷吏部司務鼎革後隱于梅市書似董文敏善畫山水花卉

萬壽祺字年少江南徐州人明崇禎庚午舉人甲申後避地吳中當事欲授以吳江令不就自號沙門慧壽書撫晉人兼工篆刻善白描人物有濕西堂集

褚廷琯字硯耘嘉興人明崇禎癸酉舉人兵後杜門不出以草書擅名

查繼佐字伊璜號東山海寧人明崇禎癸酉舉人甲申後家居極文酒聲伎之樂因吳六奇事將心餘為製雪中人傳奇書法奇逸可愛詩稿名釣業

吳山濤字岱觀號塞翁仁和籍歙縣人明崇禎己卯舉人官陝西成縣令改同谷縣以建少陵七歌堂被誣去官善書畫工詩有塞翁集

汪挺字無上更字爾陶嘉興人明崇禎癸未進士福王授工部主

事書似率更尤工小楷有曾城遺稿

邱上儀字維正式進人明崇禎辛未武進士任江西都司與廉訪
吳公麟瑞提學侯公峒曾並稱三清援筆賦詩恂恂若文士官
至贛南總兵謝病不仕甲申後不歸故里隱居海鹽邵灣山躬
耕奉母以卒

巢鳴盛字端明嘉興人明崇禎丙子舉人名注復社乙酉後屏跡
不入城市繞屋種匏手製為尊而銘之所需器皿莫非匏者

方以智字密之號鹿起桐城人巡撫孔炤子為四公子之一明崇
禎庚辰進士授翰林檢討博學工詩著通雅易知古今性說一

貫問答物理小識炮莊等書晚為僧名宏智字無可別號藥地
和尚有浮山全集

朱嘉徵字岷左號止谿圃人海寧人明崇禎壬午舉人任推官有
樂府廣序止谿詩文集

陳瑚字言夏號確庵自稱七十二潭漁父太倉人明崇禎壬午舉
人精律歷兵農之學隱居講學門人私謚安道先生巡撫湯公
即其地建安道書院有確庵集

徐枋字昭法號侯齋吳縣人文靖公子明崇禎壬午舉人善畫山
水甲申後賣畫自給夏秋間多種南衣以代粟食自號秦餘山

人道跡山中終身不入城市湯文正撫吳屏騶從訪之不得一見有居易堂集二十一史文彙通鑑紀事類聚讀史稗語讀史雜鈔建元同文錄管見等書

周茂蘭字子佩號芸齋吳縣人忠介公長子崇禎初刺血上疏請誅倪文煥等私謚端孝先生有參同契衍義

朱用純字致一號柏廬崑山人年十九遭亂痛父殉難棄諸生隱居教授其學確守程朱知行並進以正敬為程康熙戊午當事欲以鴻博薦以死自誓私謚孝定先生

錢汝霖本姓何初名青字雲士號芸疋海鹽人明諸生隱居嚴浦紫雲村學者稱商隱先生有紫雲遺稿

屠曠字闇伯嘉興人諸生事母至孝與桐鄉張考夫講學本諸踐履邃于經學有勗齋集

徐善字敬可嘉興人棄諸生講求致知格物之學晚作易論及徐氏四易春秋地名考

陳確字乾初原名道永字非元海鹽人諸生與祝開美張考夫吳仲木裒仲並從劉戡山先生講學

張履祥字考夫號念芝浙江桐鄉人父夢金仁山來謁而生故名幼讀小學近思錄有得渡江遊戡山之門講慎獨之學甲申後

棄諸生隱居楊園著書教授乃專意于程朱一以居敬窮理躬
行實踐為主學者稱楊園先生著有經正錄訓子語王學辨補
農書備忘錄言行見聞錄近鑑近古錄初學備忘喪葬雜錄葬
親社約楊園文集張考夫遺言

吳蕃昌字仲木海鹽人諸生貞肅公次子司寇生白公嗣孫與張
楊園講學並從戢山先生遊著日月歲三儀以自範為閩職三
儀以範其家遭母喪哀毀卒私謚孝節先生有祇父庵集

吳謙牧字衷仲號志仁海鹽人諸生中丞秋圃公次子與兄蕃昌
並從戢山講學亦以母喪哀毀卒時稱東海兩孝子有繭窩集

困勉齋集

昭代名人尺牘小傳

卷五

范承謨字覲公號螺山奉天遼陽人大學士文程子年十七選充
侍衛仍以茂才應制科中順治壬辰進士由編修累官浙江巡
撫盡劾諸貪吏請除衛台處荒田之糧遷浙閩總督耿逆叛被
幽二載懷炭畫壁為明心頌百苦吟後殉節贈少保謚忠貞入
祀昭忠祠有范忠貞集

陸光旭字始旦號鶴田浙江平湖人順治壬辰進士由御史出為
江安糧儲道有屈亭遺稿

詩選

卷五

NATIONAL CENTRAL LIBRARY, TAIWAN, R.O.C.

王澤宏字涓來號昊廬湖北黃岡人順治乙未進士官至禮部尚書後移家金陵有昊廬集鴻嶺山人詩集

嚴沈字子餐號顥亭浙江餘杭人順治乙未進士官至戶部侍郎總督倉場善畫有古秋堂集

楊雍建字自西號以齋海寧人順治乙未進士官至兵部侍郎巡撫貴州有撫黔奏疏景疏樓詩文稿

項景襄字去浮一字眉山錢塘人秀水籍順治乙未進士官兵部侍郎參機務朝廷有大建置輒援據成例以進遇事敢言

張惟赤字桐孩號螺浮又號小白海鹽人順治乙未進士官刑科給事中有螺浮奏議思退軒集

王士祿字子底號西樵山東新城人順治壬辰進士官吏部考功員外郎工詩愛孟襄陽與弟阮亭稱濟南二王以母喪哀毀卒鄉人私謚節孝先生有司勳五種集

田雯字綸霞又字子綸一字紫綸自號山蘊子晚號蒙齋山東德州人順治乙未進士官副使薦試鴻博歷官戶部侍郎有山蘊詩選古歡堂集

顧豹文字季蔚號且庵錢塘人順治乙未進士官監察御史告歸薦鴻博以病辭

劉體仁字公馘號蒲庵安徽潁州人順治乙未進士官考功郎善畫有七頌堂集

丁澎字飛濤號藥園浙江仁和人順治乙未進士官禮部郎中工詩為西泠十子之一少有白燕樓詩吳下士女爭書衫袖與宋荔裳施愚山輩稱燕臺七子有扶荔堂集

何元英字蕤音秀水人順治乙未進士官通政使參議工書

王揆字端士太倉人時敏次子順治乙未進士有芝廬集

李開鄴崑山人順治乙未進士

宋德宜字右之號蓼天長洲人明御史忠烈公子順治乙未進士

官至文華殿大學士謚文恪

劉芳躅字鍾宛又字增美宛平人明尚書餘裕子順治乙未進士

官至山東巡撫

王士正字貽上號阮亭自號漁洋山人新城人順治乙未進士以揚州司理入為戶曹特改翰林官至刑部尚書乾隆開補謚文簡詩為一代宗匠與朱竹垞並稱朱王善古文兼工詞稱王桐花著有帶經堂集漁洋三十六種

熊賜履字敬修又字青岳孝感人順治戊戌進士官至東閣大學士謚文端

李念慈一名念茲字此瞻號幼庵陝西涇陽人順治戊戌進士官
景陵知縣薦試鴻博放歸與天生二曲稱關中三李有過嶺吟
谷口山房詩集

錢陸燦字湘靈號圓沙常熟人順治丁酉舉人善詩文有調運齋
集

計東字甫草號改亭吳江人順治丁酉舉人詩文縱橫跌宕務極
其才力而後已有中州集改亭集

吳兆騫字漢槎吳江人順治丁酉舉人以科場事謫戍寧古塔一
時送其出關之作徧天下在塞外二十餘年釋歸詩多悲壯之
音有秋笳集

孫暘字赤厓常熟人順治丁酉舉人工書

杜臻字肇余一字遇徐嘉興人順治戊戌進士官至禮部尚書有
經緯堂集

曾王孫字道扶秀水人本姓孫贅于曾遂以為嗣順治戊戌進士
官漢中司理陞部曹有清風堂集

徐階鳳字鳴岐號竹逸江南宜興人順治戊戌進士官永昌府推
官有願息齋詩文集

林雲銘字西仲福建侯官人題名碑作閩縣順治戊戌進士官徽

州府通判有挹奎樓集吳山叡音



國家圖書館, NATIONAL CENTRAL LIBRARY, TAIWAN, R.O.C

昭代名人尺牘小傳

卷六

陳廷敬字子端號說巖本名敬奉

旨加廷字山西澤州人順

治戊戌進士與汪鈍翁王阮亭以詩文相鏃厲其學一以河津
為的官至文淵閣大學士謚文貞有午亭文編

李天馥字湘北江南合肥籍河南永城人順治戊戌進士官至武
英殿大學士謚文定有容齋集

毛際可字會侯號鶴舫浙江遂安人順治戊戌進士授推官改祥
符令康熙己未薦試鴻博善畫米家山著春秋三傳考異松臯



詩選安序堂文鈔會侯文鈔

徐元文字公肅號立齋崑山人乾學弟順治己亥第一人及第官至文華殿大學士有含經堂集

葉方藹字子吉號訥庵崑山人順治己亥第三人及第官至禮部侍郎加尚書銜謚文敏有讀書齋偶存稿

葉封字井叔號慕廬嘉善人黃陂籍順治己亥進士官兵馬司指揮薦試鴻博放歸自號退翁銓授虞衡司主事有嵩遊草

彭寵字雲客號一庵長洲人順治己亥進士官長寧知縣私謚仁簡先生有抽簪雜詩

鄒祇謨字訂士號程村武進人順治戊戌進士與陳維崧董文友黃永稱毘陵四子有遠志齋集

王又旦字幼華別字黃湄陝西郃陽人順治戊戌進士官給事中工詩與王阮亭交最深京師稱兩王先生有黃湄集

張玉書字素存號潤浦丹徒人九徵子順治辛丑進士官至文華殿大學士謚文貞有力行齋集

葉映榴字丙霞號蒼巖江南上海人順治辛丑進士官湖北督糧道參議武昌兵變殉節贈工部侍郎謚中節

申樾字叔旆長洲人順治辛丑進士官禮部主事

嚴我斯字就思號存庵浙江歸安人順治辛丑進士康熙甲辰第
一人及第官至禮部左侍郎著尺五堂詩剛

盛符升字珍示崑山人康熙甲辰進士官御史少從夏考功彝仲
遊後出王新城之門有誠齋詩集

曹貞吉字升六號實庵山東安邱人順治庚子舉人官禮部員外
郎有珂雪集

勞之辨字書升號介庵浙江石門人康熙甲辰進士官至左副都
御史有靜觀堂詩集

車萬育字雲崖號鶴田湖南邵陽人康熙甲辰進士官戶科給事
中家有螢照堂藏法帖墨蹟最富刻明代法帖行世

衛既齊字爾錫山西猗氏人康熙甲辰進士官檢討奏對不稱

旨外補霸州州判起原官尋擢山東布政使陞貴州巡撫以
苗變得罪戍黑龍江逾年赦還教授汾西邃于經學竹垞詩所
稱河東衛先生是也

錢瑞徵字鶴庵一字野鶴又字髯公海鹽人康熙癸卯舉人考授
知縣改西安教諭好畫松石工書有忘憂草南樓詩草

繆彤字歌起號念齋吳縣人康熙丁未第一人及第官侍講有雙

泉草堂集

吳一蜚字翼生長洲人康熙丁未進士官至吏部尚書

張英字敦復桐城人康熙丁未進士官至文華殿大學士謚文端
有存誠堂詩集

顏光敏字遜甫一字修來號樂園山東曲阜人復聖裔康熙丁未
進士官吏部考功郎中稱詩輦下與田綸霞宋牧仲輩有十子
之目著樂園詩集

汪懋麟字季角號蛟門江南江都人康熙丁未進士授秘書院中
書舍人薦鴻博以憂不赴試補刑部主事入史館充纂修官文
似王介甫詩為十子之一有百尺梧桐閣近詩

孫在豐字屺瞻浙江德清人康熙庚戌進士官至工部侍郎

李光地字晉卿號厚庵又號榕村福建安溪人康熙庚戌進士以
編修家居值耿精忠叛密疏陳破賊機宜康親王克仙霞關精
忠降即家陞侍讀學士又以泉州敗鄭錦功晉內閣學士還京
獨陳臺灣可取狀後卒如其言官至文淵閣大學士謚文貞於
當世人才賢不肖往往直言無隱有旋乾轉坤之力喜推引好
古篤行之士著有周易觀象周易通論詩所論孟劄記古樂經
傳榕村講授榕村語錄榕村全集等書

陸隴其初名龍其字稼書平湖人康熙庚戌進士知嘉定縣落職

民罷市三日薦試鴻博罷魏象樞以天下第一清廉薦補靈壽
縣徵授四川道監察御史累疏陳捐納事件上官意放歸為學
一準程朱以居敬窮理為本嚴陽儒陰釋之辨作學術辨等篇
以昌明朱子之學所著有四書講義困勉錄讀禮志疑讀朱隨
筆問學錄松陽講義三魚堂文集騰言等書雍正二年從祀
孔子廟庭乾隆元年追贈內閣學士兼禮部侍郎謚清獻

趙申喬字慎旃又字松伍武進人康熙庚戌進士以員外郎里居
大學士李光地薦 特召授浙江布政使未逾年擢巡撫調

偏沅並著政績在官刻苦自厲苟利于民知無不為累官戶部
尚書謚恭毅有恭毅騰稿

徐乾學字原一號健庵崑山人八歲能文康熙庚戌第三人及第
官至刑部尚書 勅修一統志會典明史古文淵鑑等書皆

奉 命總裁好獎進人物海內名士輻湊其門家有傳是樓
藏書甲天下與弟秉義元文並以文章顯世號三徐有讀禮通
考澹園集傳是樓書目

葉燮字星期號已畦吳江人紹袁子居嘉善康熙庚戌進士官寶
應知縣有二葉草堂集

王士禛字子側新城人西樵弟阮亭兄也並稱三王康熙庚戌進

士有古鉢集

白夢鼎字仲調一字孟新號蝶庵江甯人康熙庚戌進士官大理寺評事薦試鴻博有天山堂集

王揆字藻儒號顓庵太倉人文肅公曾孫太常時敏子康熙庚戌進士官至文淵閣大學士有西田集

王原祁字茂京號麓臺太倉人太常時敏孫進士揆子康熙庚戌進士由給事中改翰林官至少司農以畫供內廷法大癡淺絳尤為獨絕

昭代名人尺牘小傳

卷七

惲格字壽平以字行更字正叔號南田又號白雲外史一作雲溪外史亦稱東園客武進人日初子幼年剃染靈隱寺書法得褚河南神髓適逸可愛畫山水花卉俱為國朝第一山水入大癡之室秀潤天成寫生本徐黃法賦色之妙為古今絕藝工詩為毘陵六逸之冠有南田詩鈔

王翬字石谷號耕煙又號烏目山人晚稱清暉老人常熟人畫山水為一代大家王太常目為畫聖與惲南田齊名人稱惲王又

與太常司農稱三王並廉州為四王

吳歷字漁山常熟人善畫山水晚年泛海不知所之 國朝言山

水大家曰四王吳惲

王武字勤中號忘庵又號雪顛道人吳縣人文恪公六世孫以諸生入太學能詩工畫花卉名重當時

姜實節字學在號鶴澗萊陽人貞毅先生仲子僑居吳縣工詩書畫俱倣迂有焚餘草

王撰字異公號隨庵太倉人時敏第三子監生工隸書山水得家法有三餘集

王槩字安節初名丐秀水人能詩工畫山水芥子園畫譜乃其手筆

文點字興也號南雲山樵長洲人文肅公孫隱居竹塢城市罕有其跡工詩文善畫山水得待詔家法有南雲詩文集

文揆字賓日號古香長洲人待詔五世孫從簡孫柝子書畫傳其家學隱居修行私謚貞慤先生有十二研齋詩集

周儀字確齋吳縣人工書

杜首昌字湘草山陽人善行草書家有紹秀園水石花木之勝甲一郡

范驥字文白號默庵海寧人諸生工書有默庵集

金侃字亦陶吳縣人孝章子詩畫世其學亦隱居不出

楊无咎字震百號易亭吳縣人父廷樞死國難无咎年十二痛未
從死隱居七十餘年與徐枋朱用純稱吳中三高士三人並以
先人死忠益以名節相砥礪私謚正孝先生卒年八十九有楊
仲子三百篇小宛集及談經錄三易卦位圖說等書

唐禹昭號半園武進人明崇禎丙子舉人工詩善畫與惲南田稱
石交有半園詩

王猷定字子一號軫石江西南昌人明太僕卿止敬子貢生以詩
古文詞自負善書得李北海筆法遭亂居廣陵客死西湖有四

照堂集

昭代名人尺牘小傳

卷八

陳允衡字伯璣江西建昌人御史本子工詩與阮亭愚山交最篤

選刻詩慰國雅諸書有寶琴館集

余懷字澹心號無懷別號髮持老人福建莆田人工詩詞流寓南
中徵歌選曲儼如少俊有板橋雜記味外軒稿

杜濬字于皇號茶村初名詔先湖北黃岡人明副榜貢生僑居金

陵詩宗杜陵有變雅堂集

陳恭尹字元孝號獨漉山人亦稱羅浮布衣廣東南海人詩為嶺

南三家之一有獨漉堂集

黃雲字仙裳號舊巢江南泰州人布衣善詩文有悠然堂桐引樓諸集

吳懋謙字六益別號華華山人華亭人布衣工詩有苧庵集

曾燦字青藜原名傳燦號止山江西寧都人寧夏籍與兄畹並以詩名有二曾之目所選海內名家詩曰過日集人才略備著有

金石堂集

方膏茂字敦四桐城人拱乾子亨咸弟

高兆字雲客號固齋侯官人工詩有續高士傳

梅文鼎字定九號勿庵安徽宣城人專精歷算之學為國朝第

一著歷算叢書八十六種及續學堂文鈔詩鈔

顧祖禹字景范江南無錫人徙常熟精地理之學著讀史方輿紀要考據正史於山川形勢險易古今用兵戰守成敗之迹皆有折衷雖荒僻幽仄之地一一如目見徐乾學修一統志祖禹主其事欲薦之朝固辭乃止

蔣隴字玉淵又字馭鹿武進人

許旭字九日太倉人與顧湄齊名並工詩為梅村所稱有秋水集顧湄字伊人太倉人有水鄉集

孫默字無言號桴菴休寧人客廣陵其歸黃山以詩文贈行者徧
海宇著笛松閣集

嵇永仁字留山自號抱犢山農無錫人諸生入范觀公幕府耿逆
叛迫之降怒罵不屈與忠貞同殉節贈國子監助教 賜祠
旌忠有和百苦吟抱犢山房集

黃向堅字端木吳縣人父孔昭宰滇中兵阻白鹽井順治八年向
堅行冰雪萬里得見父母又明年抵里孝養二十年而母沒孔
昭年九十無疾終向堅年六十五矣猶孺慕哀號尋以病卒時
人為譜萬里緣傳奇乾隆四年題 旌工畫山水多寫滇中景

侯方域字朝宗河南商丘人明戶部尚書恂子為四公子之一與
貴池吳應箕宜興陳貞慧最善負才任俠以文雄一時與魏叔
子汪荅文稱 國朝三家有壯悔堂文集四憶堂詩集

彭孫貽字仲謀一字昇仁海鹽人太僕觀民子孫適兄也拔貢生
天性孝友與同邑吳蕃昌仲木創瞻社為名流所重時稱武原
二仲私謚孝介先生工詩王新城所稱賞著有甲申亡臣表流
寇志方士外紀彭氏舊聞錄五言妙境茗齋集

徐秉義字彥和號果亭崑山人乾學弟元文兄康熙癸丑第三子
及第官吏部侍郎有耘圃培林堂代言集

王鴻緒字季友號儼齋又號橫雲山人華亭人廣心子康熙癸丑
第二人及第官至戶部尚書有明史稿 賜金園集

韓茨字元少又字葭人號慕廬長洲人康熙癸丑會元第一人及
第又在館閣凡應奉文字多出其手官至禮部尚書謚文懿有
有懷堂集

徐倬字方虎號蘋村德清人康熙癸丑進士官翰林院侍讀家居
後加禮部侍郎銜有道貴堂類稿

顧貞觀字華封號梁汾無錫人康熙壬子舉人官國史院典籍能
詩尤工詞有滄塘集積書巖集

彭定求字勤止號訪濂又號南昀長洲人父瓏授以梁谿高氏之
學康熙丙辰會元第一人及第官翰林院侍講有密證錄陽明
釋毀錄儒門法語及南昀詩文稿

胡會恩字孟綸號茗山德清人康熙丙辰第二人及第官至刑部
尚書有清芬堂存稿

翁叔元原名柘字寶林又字靜鄉號鐵庵永平籍常熟人康熙丙
辰第三人及第官至刑部尚書有鐵庵文稿楚園詩集

顧藻字懿樸號觀廬長洲人康熙丙辰進士官至工部侍郎

葉舒崇字元禮吳江人年十二補弟子員康熙丙戌進士選中書

舍人與星期進士並擅文譽有大小阮之目戊午薦鴻博未試卒有宗山集

高層雲字二鮑號設苑華亭人康熙丙辰進士授大理寺評事薦試鴻博官至太常寺少卿有改蟲齋集詩畫書法時稱三絕

成德氏納喇又作納臘亦稱納蘭字容若後改名性德遼陽人太傅明珠子康熙癸丑進士選侍衛愛才好客所與遊皆一時名士嘗集宋元以來諸儒說經之書刻為通志堂經解一千八百餘卷精鑒藏善書能詩尤工於詞所刻飲水側帽詞傳寫徧於村校郵壁有通志堂集

昭代名人尺牘小傳

卷九

彭孫適字駿孫號羨門海鹽人明太僕期生子順治己亥進士候
選主事康熙己未舉博學鴻詞第一授編修官至吏部侍郎工
詩詞有松桂堂集南淮集延露詞

倪燦字闇公號雁園上元人康熙丁巳舉人舉鴻博授檢討工書
汪霽字朝采號東川錢塘人康熙丙辰進士官行人舉鴻博授編
修官至戶部侍郎有西冷唱和集

喬萊字子靜號石林江南寶應人明御史可聘子康熙丁未進士



除中書舍人舉鴻博授編修官至翰林院侍讀有易侯寶應志使粵詩文等集

王頊齡字顯士號瑁湖華亭人廣心子鴻緒兄康熙丙辰進士太常博士舉鴻博授編修官至大學士謚文恭有世恩堂畫舫齋諸集

李因篤字天生更字孔德又字子德陝西富平籍山西洪洞人以布衣舉鴻博授檢討為四布衣之一邃于經學為亭林所推重詩得杜法有壽祺堂集

秦松齡字漢石又字次叔號留仙又號對巖無錫人順治乙未進士國史院檢討罷歸康熙己未舉鴻博復授檢討歷諭德家有寄暢園在惠山麓擅林泉之勝研精經術尤邃於詩有毛詩日箋蒼峴山人集

周清原字浣初一字雅楫號蓉湖又號且朴武進人國子監生舉鴻博授檢討官至工部侍郎有浣初集

陳維崧字其年號迦陵宜興人明左都御史子庭孫副貢貞慧子年十七為諸生五十六舉鴻博授檢討鬚浸淫及顧準時稱陳髯四六為國朝第一哀艷芊緜頡頏徐庾汪鈍翁謂開寶以後七百年無此等作詞擅名一代與朱竹垞合刻朱陳村詞詩

古今體皆擅場沈歸愚謂尤在四六與詞之上有陳檢討集
徐嘉炎初名炎字勝力號華隱秀水人國子監生舉鴻博授檢討
官至內閣學士有抱經齋集

陸萊原名世枋字次友又字義山號雅坪平湖人康熙丁未進士
管內書院典籍舉鴻博授編修官至內閣學士有雅坪集

錢中諧字宮聲號庸亭昌平籍吳縣人順治戊戌進士康熙己未
舉鴻博授編修有麓廬集湘耘編

汪楫字舟次號悔齋儀徵籍休寧人由贛榆訓導舉鴻博授檢討
充封琉球正使 賜一品服撰中山沿革志又述其山川風

俗禮儀為琉球使錄官至福建布政使善書得米法有悔齋集
袁佑字杜少號霽軒直隸東明人拔貢生由中書舍人舉鴻博授
編修陞中允

朱彝尊字錫鬯號竹垞又號樞舫晚稱小長蘆釣魚師秀水人文
恪公曾孫以布衣舉鴻博授檢討詩古文詞並擅名一代詩與
王新城稱朱王詞與陳迦陵稱朱陳研精經學深於考證金石
善八分書著有經義考五代史補注瀛洲道古錄禾錄日下舊
聞明詩綜詞綜曝書亭集等書

湯斌字孔伯號荆峴又號潛庵河南睢州人順治壬辰進士由翰

林出為潼關道副使遷嶺北道參政康熙己未舉鴻博授侍講官至工部尚書其學兼通朱陸得蘇門孫氏之傳嚴於義利之辨皆切于日用倫常一以誠意正心為本乾隆二年補謚文正道光三年從祀孔子廟庭有洛學編補睢州志湯子遺書

汪琬字茗文號鈍翁又號玉遮山樵長洲人晚居堯峰因以自號順治乙未進士官戶部主事康熙己未舉鴻博授編修詩與新城齊名時稱汪王文根柢經史為國朝三家之一有鈍翁前後類稿堯峰文鈔

邱象隨字季貞號西軒山陽人湖廣宜城籍拔貢生與兄象升齊

名號二邱舉鴻博授檢討官至洗馬有西山紀年集

潘耒字次耕號稼堂晚自號止止居士吳江人布衣舉鴻博授檢討為四布衣之一幼有聖童之目試以歷日首尾不遺一字學本崑山顧氏又得王錫闡兄權章之傳經史詩古文歷算聲音之學無不洞達於聲韻反切有神悟審五方之音而能得其會通著類音八卷刪增三十六字母為五十母統有字無字之音分平上去為二十四類皆得天然之音有遂初堂集

沈玠字昭子號耿巖又號稼村海寧人康熙甲辰會元未釋褐而歸十五年不仕舉鴻博授編修乞歸有耿巖集

施閏章字尚白一字屺雲號愚山宣城人順治己丑進士官湖西
道參議康熙己未舉鴻博授翰林院侍講轉侍讀與宋荔裳齊
名稱南施北宋五言近體尤工王漁洋摘為愚山白圖生平以
儒雅自命尤深理學轉為詩文所掩有愚山詩文集

米漢雯字紫來號秀崑宛平人明太僕萬鍾孫順治辛丑進士長
葛知縣康熙己未舉鴻博授編修官至侍講書法米南宮兼善
山水有始存集

黃與堅字廷表號忍庵太倉人順治己亥進士康熙己未舉鴻博
授編修陞贊善有忍庵集

李鎧字公凱號惺庵山陽人順治辛丑進士奉天蓋平知縣康熙
己未舉鴻博授編修官至內閣學士兼禮部侍郎有讀書雜述
史斷艮齋詩文集恪素堂集

徐鉞字電發號拙存又號虹亭晚稱楓江漁父吳江人監生舉鴻
博授檢討善詩古文尤工詞善畫山水有南州草堂集菊莊詞
詞苑叢談晚歲成本事詩盛行于時

昭代名人尺牘小傳

卷十

嚴繩孫字孫友自號藕蕩無人無錫人以布衣舉鴻博授檢討為
四布衣之一 召試日以目疾止成省耕詩八韻 上素
重其名仍授官遷右中允工詩朱檢討尤愛其文書入晉唐之
室兼善寫山水花木尤精畫鳳有秋水集

李來泰字仲章號石臺江西臨川人順治壬辰進士官江南蘇常
道參議康熙己未舉鴻博授翰林侍講轉侍讀有蓮龕集

沈筠字開平號晴巖仁和人康熙己未進士改庶吉士舉鴻博授

編修有斗虹集

吳元龍字長仁號臥山華亭人康熙甲辰進士由工部郎中舉鴻博授侍講有問月堂集

龐塏字霽公號雪崖直隸任邱人康熙乙卯舉人舉鴻博授檢討改工部主事出為建寧知府有叢碧山房集

馮勗字方寅號勉曾又號對東逸史江南元和人布衣舉鴻博授檢討有葑東集

尤侗字同人更字展成號悔庵又號良齋晚自號西堂老人長洲人順治戊子拔貢生官永平府推官鐫級歸康熙己未舉鴻博

授檢討告歸晉官侍講早歲作讀離騷諸傳奇教坊中播之管絃為宮中雅樂聞者艷之所著西堂雜俎傳入禁中

章皇帝稱為真才子入翰林

聖祖稱為老名士天下羨

其榮遇比于李青蓮云有西堂全集餘集一百四十三卷

張鴻烈字毅文號涇原又號岸齋山陽人廩監生舉鴻博授檢討降級改國子監助教遷大理寺副以憂歸善畫山水

李澄中字渭清號雷田又號漁村山東諸城人成都籍拔貢生舉鴻博授檢討官至翰林侍讀有臥象山房集白雲村集

毛竒齡原名姓字大可號西河又有河右僧開秋晴晚晴等號浙

江蕭山人廩監生舉鴻博授檢討淹貫羣籍著書最富所自負者在經學惟好為駁辨以求勝凡他人所已言者必力反其詞卒年九十四所著分經集文集經集凡五十種文集合詩賦雜著凡二百三十四卷

錢金甫字越江上海籍華亭人康熙己未進士改庶吉士榜名金甫後復姓錢舉鴻博授編修官至侍讀學士有保素堂集

吳任臣字志伊一字爾器初字征鴻號託園仁和人諸生舉鴻博授檢討淹貫經史兼精天官樂律奇士之術博聞強記顧亭林所推服有周禮大義禮通春秋正朔考辨十國春秋山海經廣

注字彙補託園詩文集等書

毛升芳字允大號乳雪一號質庵遂安人拔貢生舉鴻博授檢討有古獲齋駢體竹枝詞

曹禾字頌嘉號峨嶂江南江陰人康熙甲辰進士內閣中書舉鴻博授編修官至祭酒有峨嶂集

周起莘字次修蕭山人廩監生薦試鴻博

魏學渠字子存號青城嘉善人順治戊子舉人歷官湖西道薦試鴻博有青城山人集

宋實穎字既庭號湘尹長洲人順治庚子舉人薦試鴻博放歸官

興化教諭有讀書堂老易軒玉磬山房等集

董俞字蒼水號樗亭一號尊鄉釣容華亭人順治庚子舉人薦試鴻博有浮湘度嶺樗亭等稿

徐咸清字仲山浙江上虞人明兵部尚書人龍子蔭監生薦試鴻博著有資治文字

吳雯字天章號蓮洋其先遼陽人父官山西蒲州學正遂占籍以諸生薦試鴻博漁洋山人門人有詩名有蓮洋集

徐林鴻字大文一字寶名海寧人錢塘諸生本莆田林氏贅于徐因襲其姓薦試鴻博有兩閒草堂詩文集

吳農祥字慶百號星叟明宮允太沖長子錢塘人諸生薦試鴻博有梧園集詩一百三十四卷文一百四十卷駢體四十卷詩餘二十四卷雜著一百六十八卷皆未刊行

葉奕苞字九來崑山人監生薦試鴻博

顧景星字赤方號黃公湖北蘄州人明貢生薦鴻博以病辭詩以才氣見長有白茅堂集

閻若璩字百詩又字潛邱太原籍山陽人年十五補學官弟子研究經史二十讀尚書疑古文二十五篇之偽沈潛三十餘年盡得其癥結所在作古文尚書疏證八卷于地理之學尤精凡山

川形勢州郡沿革瞭若指掌著有四書釋地孟子生卒年月考
孔子廟從祀末議潛邱劄記日知錄補正喪服翼註博湖掌錄
眷西堂集等書薦試鴻博不第徐司寇修一統志預其事局中
人輯其緒論為一篇曰閻氏碎金

王宏撰字無異號山史陝西華陰人監生薦鴻博以病辭工書能
文精金石之學善鑒別法書名畫所居華山下有讀易廬撰易
圖象述及山志砥齋集汪堯峰稱其文議論馳騁今古悉有據
依非苟作者

夏駟字文茵一字宛來浙江烏程人歲貢生薦鴻博未與試有爛

昭代名人尺牘小傳

卷十一

孫枝蔚字豹人號漑堂陝西三原人布衣遭亂流寓江都遂家焉
身長八尺以詩文名天下舉鴻博以年老特予中書舍人回籍
有漑堂集

王嗣槐字仲昭號桂山錢塘人諸生舉鴻博授中書舍人有桂山
堂集

鄧漢儀字孝威號鉢叟泰州人布衣舉鴻博以年老授中書舍人
回籍有過嶺集選同人詩為詩觀初二三集

朱士曾字敬身自號鑑湖漁子又稱越州髯僧山陰人布衣薦試鴻博

黃虞稷字俞邵號楮園晉江籍上元人諸生薦鴻博未試丁憂薦入明史館食七品俸家有千頃堂藏書最富有千頃堂書目我富軒詩

蔡方炳字九霞號息關崑山人忠襄公子少補諸生性嗜學於理學政治典故多所纂輯工詩文兼善行草徵鴻博以病辭有增訂廣輿記歷代茶權志馬政志憤助編恥存齋集

陸嘉淑字冰修號射山又號辛齋海寧人明嘉興府學生薦鴻博不起工詩有辛齋遺稿

陸元輔字翼王號鞠隱江南嘉定人布衣薦試鴻博湛深經學為黃陶庵弟子學術志行不愧師門有鞠隱集

魏禧字冰叔一字叔子號勺庭寧都人十一歲補諸生甲申後棄去隱于翠微峰構易堂以居薦鴻博以疾辭精左氏之學善古文與侯朝宗汪茗文稱三家有左傳經世叔子詩文集目錄等書

魏禮字和公一字季子寧都人棄諸生工詩文與兄際瑞禧齊名世稱三魏有魏季子文集

萬斯選字公擇鄞縣人孝廉泰第五子從黃黎洲遊得戴山之傳
務躬行之學有白雲集

萬斯大字充宗號跛翁泰第六子為黎洲高弟專治經學尤精春
秋三禮著有學春秋隨筆學禮質疑儀禮商禮記偶箋周官辨
非

萬斯備字允誠泰第七子有深省堂集

萬斯同字季野號石園泰第八子及黎洲之門得聞戴山之學博
通諸史尤熟於明代掌故撰明開國以後至唐桂功臣將相內
外諸大臣年表薦鴻博力辭以布衣參史局不署銜不食俸史
稿五百卷皆出其手私謚貞文先生著有歷代史表記元彙考
廟制圖考儒林宗派石經考周正彙考宰輔彙考宋季忠義錄
六陵遺事庚申君遺事羣書辨疑書學彙編崑崙河源考河渠
考石園詩文集

譚吉璉字舟石號築巖嘉興人五經進士貞良子貢入國子監授
官中書擢延安府同知薦試鴻博報罷遷登州知府稱小譚大夫
譚璵字左羽嘉興人吉璉弟康熙己酉順天舉人官禮科給事中
有涵萬樓疏稿

李繩遠字斯年號尋壑嘉興人諸生入國子監考授州同知與弟

良年符稱三李有尋壑外言

李良言原名法遠又名兆潢更今名字武曾號秋錦諸生薦試鴻博詩文與竹垞齊名稱朱李又擅尺牘與倦圃齊名稱曹李有秋景山房集

李符原名符遠字分虎號耕客又號桃鄉善詩詞尤工駢體有香草居集

周簣初名筠字公貞更今名字青士號簣谷嘉興人布衣隱市廛賣米工詩有米山堂集詞緯今詞綜析津日記等書

周篁字林於秀水人監生別字鷗塘以名其詩集

沈進字山子號藍村初名馭嘉興人諸生工詩與竹垞齊名時稱朱沈有藍村詩集

繆泳原名永謀字天自更今名字于野又字潛初嘉興人諸生有苕溪集

高佑鈺字念祖嘉興人貢生考授州判有懷寓堂詩

沈暉日字融谷平湖人以貢生令粵西來賓歷辰州郡丞工詩詞有楚遊燕遊草拓西精舍詞

沈岸登字覃九號南濠又號惰耕叟平湖人工詞有黑蝶齋詩詞

鈔

徐真木字士白號白榆嘉興人工書法篆刻有懷古堂集

盛遠字子久又字鶴江號宜山嘉興人諸生工書無子家築瓣香

閣以祀名人之無後者有瓣香閣詩鈔

項奎字子聚號東井又號牆東居士秀水人諸生善畫有晚盥堂

詩草

許箕字巢友號龐庵海寧人移居梅里工書有捫膝軒詩鈔

潘廷章字美含號梅巖海寧人有硤石志渚山樓集

查容字韜荒號漸江海寧人沒于楚中有彈箏集江漢詩

朱爾邁字人遠號日觀海寧人嘉徵子諸生有平山堂集

胡渭初名渭生字肫明號東樵德清人年十五為諸生入太學篤

志經義尤精輿地之學馮益都相國欲以鴻博薦堅辭不就崑

山徐司寇延修一統志因得縱觀天下郡國之書凡與禹貢山

川疆域相涉者考其同異而折衷之撰禹貢錐指二十卷圖四

十七篇其導河一章備悉決溢改流之跡又有洪範正論易圖

明辨大學翼真諸書

沈謙字去矜仁和人工詩詞與陸圻柴紹炳陳廷會毛先舒丁澎

吳百朋孫治張綱孫虞黃昊號西冷十子有東江草堂集及詞

韻詞譜古今詞選臨平記等書

昭代名人尺牘小傳

卷十二

陸圻字麗京一字景宣號講山錢塘人貢生事親至孝七歲能詩
長負盛名為西泠十子之冠兵後賣藥海寧之長安市入武當
山為道士或云在嶺南為僧名金龍不知所終有從同集威鳳
堂集

毛先舒字馳黃一名駸字稚黃仁和人少從蕺山講心性之旨八
歲能詩深于韻學學詩于陳臥子以古學振興與西河會侯齊
名有浙中三毛文中三豪之謗著有韻學指歸唐韻四聲表聲

韻叢說韻學通指詞韻南曲韻溪書匡林格物問荅聖學真語
思古堂集小匡文鈔東苑詩鈔文鈔

陸繁詔字拒石號儼胡仁和人行人培子有善卷堂詩文集

孫治字宇台錢塘人諸生敷行誼詩長于摹古有鑿庵集

洪昇字昉思號稗畦錢塘人監生漁洋門人工詩尤精詞曲因演

所著長生殿傳奇斥革坎壞終身五十餘落水死有稗畦集

諸九鼎字駿男一名曇字惕庵錢塘人有諸鐵庵集

陳廷會字際叔一字瞻雲有鵜鳥集于城上因自號鵜客錢塘人

諸生篤于友誼為世稱重

胡介初名士登字彥遠號旅堂錢塘人諸生工詩有旅堂詩集

毛宗文字建平號半山更號臯亭錢塘人有扶雅堂詩集

卓天寅字火傳號亮庵仁和人順治甲午副貢居塘棲鎮盛交遊

投贈詩文滿天下有傳經堂集

馮景字山公一字少渠錢塘人監生長於說經之文有解春詩文

集

吳之振字孟舉號黃葉村農石門人貢生授中書工書輯宋詩鈔

一百六卷行世有黃葉村莊詩集

宋犛字牧仲號漫堂又號西陂商邱人文康公子年十四以大臣

子入宿衛改黃州通判官至吏部尚書工詩與漁洋齊名毘陵邵子湘有漁洋絲津合刻撫吳時嘗選江左十五子詩提倡後學有西陂類稿精鑒藏能畫

高士奇字澹人號瓶廬又號江村錢塘人由諸生入太學以能書稱
旨授詹事府錄事歷陞詹事 賜同博學鴻儒科

賜號竹窓加禮部侍郎謚文恪精鑒賞富收藏所輯江村銷夏錄盛行于世著有江村全集

吳綺字蘭次號豐南江都人歙縣籍由選貢生薦授秘書院中書舍人奉
詔譜楊椒山傳奇稱 旨以楊官官之歷湖州

知府四方名流過從文蕪無虛日卒以是去官工詩及四六其填詞小令兒童婦女皆能習之有林蕙堂集菽香詞

袁于令字令昭又字韞玉號籜庵吳縣人官荊州知府工度曲以西樓記樂府馳譽于時守荊州一日謁觀察使問曰聞貴府有三聲蓋諷其耽音律也籜庵以訕笑語應之坐是罷黜吳梅村祭酒贈詩云詞客開元擅盛名彈絲法曲楚江情堪見其文采風流矣

王丹林字赤抒錢塘人官中書舍人工晚唐詩有野航詩集

陳奕禧字六謙又字子文號香泉海寧人貢生官南安知府工書

有予宜堂帖行世詩亦為漁洋所稱有臯蘭載筆益州子役記
金石遺文錄春靄堂集

賈鉉字玉萬號可齋山西臨汾人官黃州知府工畫花卉

禹之鼎字上吉一字尚基號慎齋江都人康熙中官鴻臚寺序班
以善畫供奉 內廷尤工寫照秀媚古雅為當代第一一時名
人小像皆出其手

汪文柏字季青號柯庭休宜籍桐鄉人官北城兵馬司指揮工詩
詞善畫精鑒賞家有古香樓收藏書畫甚富有柯庭餘習

傅眉字壽髦一字竹嶺太原人山子工詩善畫戴廷拭撰晉四家
詩山父子居其二

周在浚字雪客祥符人亮工長子官經歷有雲煙過眼錄晉稗梨
莊集秋水軒集

黃百家字主一餘姚人梨洲次子傳其學有體獨私鈔王劉異同
幸跌草又從梅定九問推步法著勾股矩測解原康熙中徐司
寇延修明史官國子監學正

曹寅字子清號棟亭奉天人官通政司使江寧織造校刊古書甚
精有揚州局刻五韻棟亭十二種盛行于世著棟亭詩鈔

孔尚任字季重號東塘又號雲亭山人曲阜人官戶部員外郎工

詩有湖海集精于譜曲桃花扇小忽雷傳奇盛行於世

楊大鶴字九臯號芝田武進人康熙己未進士官左諭德著有春

秋屬釋比事史漢注辨誤二十一史姓氏考及詩文稿

曹鑑倫字夢懷號彝士嘉善人康熙己未進士官至吏部侍郎

趙執信字伸符號秋谷山東益都人康熙己未進士官翰林年纔

十七歷贊善以燕飲觀劇違制去官年尚未壯也精書法詩為

國朝六家之一生平服膺虞山馮定遠而於漁洋著談龍錄

以非之有聲調譜飴山堂集

歸允肅字孝儀號惺厓常熟人康熙己未第一人及第官至少詹

事

尤珍字謹庸號滄湄長洲人侗子康熙壬戌進士官贊善有滄湄

類稿

昭代名人尺牘小傳

卷十三

孫岳頌字雲韶號樹峰吳縣人康熙壬戌進士官至禮部侍郎善

書受知

聖祖每有

御製碑版必

命書之

周金然字廣居華亭人康熙壬戌進士官左中允有周廣庵全集

王九齡字子武華亭人廣心子項齡鴻緒弟康熙壬戌進士官至

左都御史有松溪蕙香詩稿父納山房集

蔡升元字徵元號方麓德清人康熙壬戌第一人及第官至禮部

尚書有紀 恩詩



梅庚字耦長一字子長宣城人康熙辛酉舉人泰順知縣工詩畫
有天逸閣集玉筭遊草吳市吟

龔翔麟字天石號蘅圃晚號田居仁和人光祿卿佳育子康熙辛酉副榜官御史工詩有田居詩稿尤工詞有紅藕莊詞選浙西六家詞行世

江煜字寓昭錢塘人康熙乙丑進士官吏科給事中

張希良字石虹湖北黃安人康熙乙丑進士官翰林侍講有寶辰堂集

蔣陳錫字文孫號雨亭常熟人康熙乙丑進士官至雲貴總督

仇兆鰲字滄柱鄞縣人康熙乙丑進士官吏部侍郎有杜詩詳注宋大業字念功號約州長洲人文恪公次子康熙乙丑進士官至內閣學士

陳元龍字廣陵號乾齋海鹽人康熙乙丑第二人及第官至文淵閣大學士謚文簡以書名有愛日堂集

吳暲字元朗號西齋太倉人梅村子康熙戊辰進士官兵科給事中工詩有西齋集

梁佩蘭字芝五號藥亭廣東南海人康熙戊辰進士改庶吉士散館歸班詩為嶺南三家之一有六莹堂詩集

孫致彌字愷似號松坪嘉定人負才名以布衣 召試稱

旨 賜二品服使朝鮮采詩康熙戊辰進士官至侍讀學士
有杖左堂集

唐孫華字實君別號東江太倉人康熙戊辰進士官吏部主事邃
於史學晚乃工詩年九十餘卒有東江詩鈔

史申義字蕉飲江都人康熙戊辰進士官編修工詩有蕪城集
查昇字仲韋號聲山海寧人康熙戊辰進士官少詹事負詩名書
法秀逸為時所珍 聖祖屢稱賞之有澹遠堂集

沈宗敬字南季一字恪庭號獅峯華亭人文恪公子康熙戊辰進
士官太僕卿書得家法善畫山水

湯右曾字西厓仁和人康熙戊辰進士官至吏部侍郎以詩名工
行楷書有懷清堂集

昭代名人尺牘小傳

卷十四

楊賓字可師號大瓢山陰人父戍寧古塔請代不許赴闕訟寃得
旨之柳條邊迎親歸作柳邊紀略塞外人稱楊夫子工書
八歲能作擘窠大字精鑿碑版有金石源流六十卷及晞髮堂

稿

沈用濟字方舟錢塘人監生徙居秀水工詩有荆花集方舟集
邵長蘅一名衡字子湘號青門武進人九歲能文十歲補學官第
子奏銷案絳誤以山人終工詩尤長于文與侯朝宗魏叔子有



鼎足之稱有青門簾稿旅稿贖稿古今韻略等書

蔣景祁字京少宜興人諸生薦鴻博官同知遊王新城之門有東

舍集

錢柏齡字介維一字立山華亭人監生有澗湄草廬詩存

錢綸光字珠淵一字廉江海鹽人瑞徵子太學生

顧藹吉字畹先號天山又號南原吳縣人以歲貢生充書畫譜纂

修官任儀徵教諭善山水精繆篆八分書有隸辨行世

宗元鼎字定九號梅岑別號小香居士江都人漁洋門人工詩畫

性愛潔不減倪高士有芙蓉齋新柳堂等集

郭元釘字于宮號雙村江都人以諸生取入纂修館預修佩文韻

府授中書舍人有拙適軒集為江左十五子之一所輯金源詩

可補元氏中州集之缺

高不騫字槎客號小湖華亭人太常卿層雲子以布衣 召試

供奉 內廷授翰林院待詔假歸自署尊鄉釣師有商榷集

張雲章字漢瞻號樸村嘉定人雍正初舉賢良方正以年老辭文

宗南宋生平服膺紫陽朱子之作暨南軒東萊止齋同甫諸家

有樸村集

沈翼字寅中原名敬字習之號菜畦嘉興人進子歲貢生以孝廉

方正薦不赴工八分行草為竹垞入室弟子書法酷似之

朱昆田字文益號西畷秀水人竹垞太史子稱小朱十太學生有

笛漁小藁三體撫韻

朱丕戡字愷仲號菊塍秀水人貢生竹垞太史從孫及其門有亞

鳳巢詩稿

吳士旦號託園海鹽人貞肅公孫工書

畢宏述字既明海鹽人精篆隸有六書通念園詩草

蔣深字樹存號繡谷又號蘇齋長洲人能書畫以纂修書畫譜官

湖州牧有繡谷詩鈔

曹曰瑛字渭符號恒齋安徽貴池人大興籍官翰林院待詔 內

廷纂修工書

楊晉字子鶴常熟人善畫山水為王石谷高弟兼工人物花草石

谷畫中人物牛馬多晉代寫

馬元馭字扶義號栖霞常熟人工寫生為惲南田入室弟子

高其佩字韋之號且園漢軍人官刑部侍郎善指頭畫

博爾都字問亭號東臯漁父滿洲人襲封輔國將軍工畫著有問

亭詩稿白燕棲詩集

沈名蓀字礪芳又字礪房仁和人康熙庚午舉人

翁嵩年字康飴仁和人康熙戊辰進士戶部主事善畫山水有天香書屋稿

鄭梁字禹楮一字禹梅號寒村浙江慈谿人康熙戊辰進士官廣東高州知府善山水曉行詩最佳時呼鄭曉行有寒村詩文選黃叔琳字宏獻號崑圃宛平人康熙辛未第三人及第年十九官至浙江巡撫罷復官詹事加侍郎銜乾隆辛未重赴瓊林宴庚午辛未諸舉人進士兩詣其第稱後同年燕會為熙朝盛事著硯北易鈔詩統說周禮節訓宋元春秋解提要硯北雜錄崑圃文集

惠周揚原名恕字元龍號硯溪自號紅豆主人長洲人薦鴻博以憂未與試康熙辛未進士以庶常改密雲知縣學於堯峰汪氏邃於經學著有詩說本朝言漢學者以東吳惠氏為首工詩文有硯溪詩文集

陳鵬年字北溟號滄洲湖南湘潭人康熙辛未進士歷知江寧鎮江蘇州諸府敏於聽斷境為大治累官河道總督以勞卒江南人祀之以配海忠介謚恪勤有滄洲詩集道榮堂文集狄億字立人號向濤江南溧陽人康熙辛未進士改庶吉士散館歸班有洮河漁子集

楊中訥字崑木號晚研海寧人雍正子康熙辛未進士官右中允
書學米南宮

儲欣字同人宜興人康熙庚午舉人有唐宋十大家文錄春秋指
掌在陸草堂文集

顧圖河字書宣江都人康熙甲戌第三人及第官編修有雄雉齋
集

嚴虞惇字寶成號思庵常熟人康熙丁丑第二人及第官太僕寺
少卿六經皆有述作讀詩質疑二十卷尤有功詩學有嚴太僕
集

周起渭字漁璜號桐野貴州貴陽人康熙甲戌進士官詹事府詹
事詩文為黔中冠冕有桐野詩鈔

宋聚業字嘉升吳縣人康熙丁丑進士官吏部郎中

昭代名人尺牘小傳

卷十五

姜宸英字西溟號湛園慈谿人以古文擅名魏叔子謂侯朝宗肆而不醇汪茗文醇而不肆惟湛園能兼之最知名之文為明史稿刑法志極言明中葉廠衛之害以為後王殷鑒書入晉人之室長於摹古小楷尤工稱重一代

聖祖稔識之嘗與朱彝尊嚴繩孫並目之曰三布衣薦修明史以翰林院纂修官食七品俸仍許與試康熙丁丑第三人及第年已七十授編修有葦間集湛園未定稿西溟文鈔



昭代名人尺牘小傳

卷十六

汪士鋐字文升號退谷又號秋泉長洲人康熙丁丑會元官中允
書法為國朝第一與姜西溟稱姜汪著有長安宮殿考全秦
藝文志三秦紀聞玉堂掌故涇鶴銘考華嶽志元和郡縣志補
闕近光集餘集四六金樽賦體麗則秋泉居士集



昭代名人尺牘小傳

卷十七

鄂爾泰字毅庵滿洲鑲藍旗人康熙己卯舉人開藩吳中以古學
造士巡撫雲南時雲南貴州廣西三省羣苗煽動請改土歸流
為久安之策 世宗特鑄三省總督印親授之用兵四年
而奏提開通滇黔路八百里封襄勤伯加少保授武英殿大學
士會準噶爾未平出為西路經略謚文端有平蠻奏疏西林遺
稿

高式青字則原錢塘人康熙丙子舉人河南永寧知縣



朱樟字亦純一字鹿田號慕巢錢塘人康熙己卯舉人官澤州知府有冬秀亭集

魏坤字禹平號水村嘉善人康熙己卯舉人善古文詩詞有倚情閣詩鈔秦淮雜詠歷山唱酬集粵遊紀程詩水村琴趣

汪繹字玉輪號東山常熟人康熙丁丑進士以外艱歸庚辰廷試第一人及第官修撰書法工秀有秋影樓詩

徐昂發字大臨號畏壘長洲人康熙庚辰進士官編修工詩兼精書翰有畏壘山人集

楊守知字次也號稼亭又號致軒海寧人雍正孫中訥子康熙庚辰進士官平涼知府左遷中河通判工詩有致軒集

徐永宣字學人號茶坪武進人康熙庚辰進士授部曹有雲溪草堂詩鈔

勵廷儀字式令號南湖直隸靜海人杜訥子康熙庚辰進士官至吏部尚書謚文恭有雙清閣集

查嗣琛字德尹號查浦海寧人康熙庚辰進士官侍講與兄他山稱二查有查浦詩鈔

查慎行初名嗣璉字夏重號他山後更今名字悔餘號初白又號查田海寧人少受業於姚江黃氏康熙癸酉舉人壬午以薦直

內廷癸未成進士官編修專長於詩入坡公之室為 國朝
六家之一補施注蘇詩多所是正有敬業堂集

王式丹字方若號樓村寶應人康熙癸未第一人及第官修撰有
樓村詩集

章藻功字豈績錢塘人康熙癸未進士改庶吉士長於四六有思
綺堂集

宋至字山言商邱人漫堂尚書子康熙癸未進士官編修有緯蕭
草堂詩

萬經字授一號九沙鄞縣人斯大子康熙癸未進士官編修雍正

乙卯薦鴻博部駁未試工隸書少學於應嗣應閣百詩有增補
禮記集解續纂春秋隨筆明史舉要歷代紀年分隸偶存等書
蔣廷錫字揚孫一字酉君號南沙又號西谷常熟人康熙癸未

特賜進士官至文華殿大學士謚文肅工寫生有青桐軒集
何焯字此瞻號義門長洲人康熙壬午以李光地薦 特賜舉
人癸未 特賜進士授編修出常熟翁尚書之門尚書受要

人指劾睢州湯公因上書請削門生之籍時論快之卒後
特贈侍講學士博覽羣籍長於考訂凡經傳子史詩文集雜說
小學多參稽互證以得指歸其真偽是非工拙源流皆有題識

如別黑白及刊本之偽闕同異字體之正俗亦分辨而補正之
其較定兩漢書三國志最有名校勘古碑版最精有何學士題
跋喜臨摹晉唐法帖所作真行書並入能品吳人與汪退谷並
稱汪何

國家圖書館, NATIONAL CENTRAL LIBRARY, TAIWAN, R.O.C

昭代名人尺牘小傳

卷十八

陳邦彥字世南號春暉又號匏廬海鹽人康熙癸未進士官至禮部侍郎書法酷類董華亭尤工小楷有墨莊小稿

賈國維字千仞高郵人康熙丙子順天舉人 聖祖南巡獻

賦稱 旨取入內廷纂修丙戌榜後 特旨與中式一體

殿試登一甲第三人及第授編修

喬崇烈字無功號學齋寶應人侍讀萊子康熙丙戌進士改庶吉士有學齋集



方苞字鳳九號靈臯又號望溪桐城人康熙丙戌進士官至內閣學士兼禮部侍郎落職後以修書特賜侍講銜著有周官

集注周官辨周官析疑儀禮析疑禮記析疑喪禮或問春秋通論春秋直解春秋比事左傳義法舉要離騷正義史記補注望

溪集等書

方彛如字若文一字文軒號樸山浙江淳安人康熙丙戌進士官豐潤知縣制義最有名乾隆初薦鴻博不就薦修三禮以疾辭著周易通義尚書通義毛詩通義十三經集解四書口義四書考典讀書記等書工古文有集虛齋學古文樸山存稿續稿

惠士奇字仲孺一字天牧號半農吳縣人康熙己丑進士歷官翰林院侍讀學士父周惕說經宗漢儒士奇承之考證益密諸經俱有論說撰易說禮說春秋說大學說因新法究推步之原著交食舉隅琴篆理數考視學廣東以經術造士粵人祀之韓山以配昌黎家有紅豆齋人稱紅豆先生有紅豆齋小草時術錄南中采蓴諸集

繆沅字湘芷號餘園泰州人康熙己丑第三人及第官至刑部侍郎有餘園詩鈔

秦道然字維生無錫人松齡子康熙己丑進士官禮科給事中詩

學陶有泉南山人存稿

張大受字日容嘉定人僑居吳郡之子將門因以匠門自號康熙己丑進士官檢討從學于朱秀水善詩古文尤工駢體好汲引後進有匠門書屋文集

李紱字巨耒號穆堂江西臨川人康熙己丑進士官至直隸總督罷復官內閣學士學宗象山尤以博洽負當世重望爾東全謝山稱其生平盡得西江諸先正之表治至擬其文於曾子固虞道園閒所著有春秋一是朱子晚年全論陸子學譜陽明學錄穆堂類稿續稿別稿

徐用錫字壇長號畫堂江南宿遷人康熙己丑進士官侍講有書名

張照字得天號天瓶居士華亭人康熙己丑進士官至刑部尚書謚文敏書宗顏米得董文敏真傳為世所珍

王世琛字寶傳吳縣人康熙壬辰第一人及第官至少詹事工詩能書畫有橘巢小稿

徐葆光榜姓潘字亮直號澄齋長洲人康熙壬辰第三人及第官編修使琉球撰中山傳信錄考據精博工書有二友齋詩文集王圖炳字麟照華亭人廣心孫頊齡子康熙壬辰進士官至禮部

侍郎降官侍讀加詹事銜書得董文敏筆意有授香書屋詩
林佶字吉人侯官人康熙壬辰進士官中書舍人工書尤精小楷
手寫堯峰文鈔漁洋詩精華錄午亭文編刊板行世有樸學齋
集

杜詔字紫綸號雲川無錫人以詩受知于

聖祖康熙壬辰

特賜進士改庶吉士雍正乙卯薦鴻博未試卒工填詞選
唐詩叩彈集行世有雲川閣集

汪泰來字陞交安徽新安人占籍錢塘康熙壬辰
授中書內廷纂修善畫花草

特賜進士

傅玉露字良木號玉筍又號閨林浙江會稽人康熙乙未第三人
及第官編修晉中允雍正乙卯薦鴻博部駁不與試有玉筍山

房集

繆曰藻字文子號南有居士吳縣人侍講彤子康熙乙未第二人
及第官司經局洗馬精鑒賞所藏書畫甲吳郡

昭代名人尺牘小傳

卷十九

蔣衡字湘帆又名振生一字拙存晚號江南拙老又號函潭老布衣金壇人僑居無錫貢生善書以楷書寫十三經身後其孫和進呈奉 旨刻石列辟雍有拙存堂集

王澍字翁林號虛舟金壇人居無錫康熙壬辰進士官吏部員外郎書入率更之室金壇良常山館最擅名數署良常王某世遂稱王良常云篆書法李斯為一代作手晚歲眇左目鑒定古碑刻最精有竹雲題跋虛舟題跋



顧嗣立字俠君長洲人康熙壬辰

特賜進士改庶吉士所居

秀野草堂極水木亭臺之勝概一時名士畢集性豪于飲終其身無與抗者有問邱詩集所選元詩初二三集及癸集百年文獻賴以不泯注昌黎飛卿二家詩選詩林韶濩皆行于世

汪應銓字杜林常熟人康熙戊戌第一入及第官贊善工小楷有容安齋詩集

鄭江字幾尺號筠谷錢塘人康熙戊戌進士官侍講工詩有筠谷詩鈔

馬維翰字默臨又字墨麟號侶仙海鹽人康熙辛丑進士官川東道工詩有墨麟詩卷

江永字慎修安徽婺源人為諸生數十年博通今古專心於十三經注疏而于口三禮功尤深以朱子儀禮經傳通解書未就乃撰禮書綱目八十八卷及周禮疑義舉要禮記訓義擇言深衣考誤儀禮釋宮增注春秋地理考實鄉黨圖考四書典林及讀書隨筆近思錄集注考訂朱子世家等書又明於鍾律聲韻推步之學有律呂闡微律呂新論音學辨微古韻標準四聲切韻表推步法解七政行金水二星發微冬至權度恒氣注歷辨歲實消長辨歷學補論中西合法擬草

盛錦字庭堅號青嶼吳縣人諸生工詩有青嶼詩鈔

梁文泓字深父號秋潭錢塘人諸生工書

陳梓字俯恭號古銘餘姚人布衣雍正間舉孝廉方正辭不就私淑楊園張氏撰四書質疑以教學者書體古別與北地李隱君錯齊名稱南陳北李

李錯字鐵君一字眉山號爲青山人又號焦明子鑲白旗漢軍人官庫筆帖式薦試鴻博復舉經學隱於盤山撰尚史一百七卷工詩有睫巢集

高鳳翰字西園號南村晚自號南阜老人亦稱老阜山東膠州人

雍正間以生員舉孝友端方任歙縣丞被劾工篆刻善書畫用

左手有南阜山人詩集

裴尊生字果萬錢塘人善畫人物

李世倬字漢章號穀齋漢軍人官至副都御史工書畫山水得王石谷指授花鳥得舅氏高且園之傳

張宗蒼字默存一字墨岑號篁村又稱瘦竹吳縣人善畫山水畫苑祇候官戶部主事

謝淞洲字滄湄號林村長洲人布衣工書畫精于鑒古宗特召以內府所藏命其鑒別

世

沈鳳字凡民號補蘿江陰人以監生投効南河歷署知縣同知書學王良常善畫尤工篆刻

方士庶字洵遠一字循遠號環山又號小師道人新安籍江都人善畫山水王司農後推一作手工詩有環山詩鈔

汪士慎字近人號巢林歙縣籍家揚州善分書工畫梅有巢林集華岳字秋岳號新羅山人福建閩縣人僑居杭州晚寓揚州善畫人物有生趣兼工山水

金農字壽門號冬心又號司農又稱稽留山民錢塘人布衣書得古趣在隸楷之間工畫梅寫佛像自署昔耶居士心出家會粥飯僧有冬心集

丁敬字敬身號龍泓山人又號鈍丁錢塘人隱市廛賣酒好金石文字窮巖絕壁手自摹榻證以志傳著武林金石錄工分隸精篆刻印章不輕為人作有龍泓山館詩鈔

陳章字授衣號紱齋錢塘人布衣有孟晉齋集

姚世鈺字玉裁歸安人諸生有屨守齋遺稿

汪惟憲字子宜一字積山號水蓮仁和人雍正己酉拔貢生工書做蘇長公有尊聞錄積山詩文集

顧詒祿字祿百號花橋又號緩堂長洲人貢生有吹萬閣文鈔緩

堂文鈔緩堂詩話緩堂文述

李果字實夫一字碩夫號客山長洲人布衣有詠歸亭詩鈔在亭

叢稿

國家圖書館, NATIONAL CENTRAL LIBRARY, TAIWAN, R.O.C.

昭代名人尺牘小傳

卷二十

錢陳羣字主敬號香樹又號集齋又號柘南居士嘉興人康熙辛
丑進士官至刑部侍郎加尚書銜贈太傅謚文端善書有香樹
齋詩文集

陸奎勳字聚緱號坡星又號陸堂平湖人南雄守世楷之子十二
歲能詩康熙辛丑進士年已六十官檢討中年專意經學著有
陸堂易學詩學今文尚書說春秋義存錄戴記緒言魯詩補亡
陸堂文集詩集



柯煜字南陔號實庵嘉善人康熙辛丑進士以山林積學薦修明
史選宜都知縣改衢州府教授乾隆丙辰薦鴻博未試卒有石

庵樵唱

勵宗萬字滋大號衣園靜海人杜訥孫廷儀子康熙辛丑進士入
翰林年才十七官至刑部侍郎罷復官光祿寺卿善畫山水
盧見曾字抱孫號雅雨德州人康熙辛丑進士官兩淮鹽運使愛
才好客四方名士咸集極一時之盛刻雅雨堂叢書金石三例
著有出塞集

陳宏謀字汝咨號榕門廣西臨桂人雍正癸卯進士歷任甘肅江
西湖南陝西河南福建江蘇巡撫所至無論久暫凡利害之當
興者必籌其先後以次圖之官至東閣大學士兼工部尚書謚
文恭留意經術所著書多切於修己治人之要有大學衍義輯
要補輯要訓俗遺規養正遺規培遠堂偶存稿

尹繼善字章佳字元長號望山滿洲鑲黃旗人雍正癸卯進士官
至文華殿大學士愛士如渴廵撫江蘇時一清漕弊任兩江總
督每遇大獄必別白輕重量予省釋不妄戮一人事有便宜雖
奉 旨訶責持之益力時稱賢相謚文端有文端公集

劉統勳字爾鈍號延清諸城人雍正甲辰進士官至東閣大學士

清節威望著聞朝宇為治悉舉大體不務苛切有古大臣之風
謚文正

汪由敦字師茗號謹堂休寧人雍正甲辰進士官至吏部尚書協
辦大學士謚文端善書有松泉詩文集

王峻字次山號良齋常熟人雍正甲辰進士由編修改江西道監
察御史臺官彭維新不孚衆望抗疏劾罷之直聲大震歸田後
教授十餘年以古學提唱後進精地理之學撰水經廣注漢書
正誤工書所書碑碣盛行吳下有良齋集

嚴遂成字松瞻號海珊烏程人雍正甲辰進士薦鴻博不與試官
嵩明州知州工詩有海珊詩鈔所作明史雜詠時稱詩史

鄒一桂字元褒號小山無錫人雍正丁未進士官至禮部侍郎贈
尚書善畫花卉有小山詩鈔

張鵬翀字天扉一字天飛號南華嘉定人雍正丁未進士官至詹
事府詹事詩才敏捷山水師倪黃為國朝畫苑後勁有南華

詩集

梁詩正字養仲號赫林錢塘人雍正庚戌第三人及第官東閣大
學士贈太傅謚文莊工書有天音集

蔣溥字質甫號恒軒常熟人文肅公子寫生得家法雍正庚戌進

士官至大學士謚文恪有恒軒詩鈔

嵇璜字尚佐號黼庭一號拙修無錫人文敏公子雍正庚戌進士
官至文淵閣大學士重宴瓊林謚文恭

商盤字蒼雨號寶意會稽人髫齡以新蟬詩白燕賦知名年十九
著小山叢桂集雍正庚戌進士由編修出為新寧州牧終雲南
元江守有質園詩集又采國朝越州人詩為越風行世

陳祖范字亦韓自號見復常熟人雍正癸卯進士乾隆辛未為舉
經學授國子監司業以年老不任職即家拜命於學務求

心得恥勦襲成言以為己有論易不取先天之學論書不取梅
蹟論詩不廢小序論春秋不取義例論禮不以古制違人情皆
通達之論有經咫掌錄及司業集

桑調元字伊佐一字歲甫自號獨往生錢塘人少師事姚江勞史
得聞性理之學雍正癸丑進士工部主事薦試鴻博有五嶽集
歲甫集

英廉氏馮字計六號夢堂漢軍鑲黃旗人雍正壬子舉人官至保
和殿大學士謚文肅工詩有夢堂詩稿

鄭燮字克柔號板橋江南興化人乾隆丙辰進士官山東濰縣知
縣書有別趣善蘭竹有手書板橋詩行世

曹秀先字冰持號地山江西新建人雍正壬子舉人內閣中書乙卯薦舉鴻博乾隆丙辰進士改庶吉士已入詞館不與試官至禮部尚書謚文恪以能書名有賜書堂集

全祖望字紹衣一字謝山鄞縣人雍正壬子舉人薦舉鴻博乾隆丙辰進士改庶吉士已入詞館不與試散館歸班負氣迂俗有風節其學淵博無涯浹于書靡不貫穿所著書皆有補於文獻有讀易別錄孔子弟子姓名表漢書地理志稽疑丙辰公車徵士錄詞科撫言續甬上者舊詩國朝甬上者舊詩經史問荅句餘土音結埼亭集外集

金德瑛字汝白號檜門仁和人雍正丙午舉人內閣中書薦舉鴻博乾隆丙辰第一人及第授修撰已入詞館不與試官至都察院左都御史有檜門詩存

劉綸字慎涵號繩庵武進人諸生乾隆丙辰舉鴻博第一人授翰林院編修官至文淵閣大學士謚文定有繩庵內外集

諸錦字襄七號草廬秀水人雍正甲辰進士由庶常改金華府教授乾隆丙辰舉鴻博授編修歷贊善有毛詩說饗禮補亡夏小正注絳趺閣集

杭世駿字大宗號蕙浦仁和人雍正甲辰舉人乾隆丙辰舉鴻博

授編修改監察御史以言事罷歸著有禮例續禮記集說金史
補闕史漢北齊疏證前後漢書蒙拾文選課虛續方言石經考
異諸史然疑晉書補傳贊詞科掌錄榕城桂堂詩話道古堂集
陳兆崙字星齋號白山錢塘人雍正庚戌進士福建候補知縣乾
隆丙辰舉鴻博授檢討官至太僕寺卿工書為同邑梁學士所
稱有紫竹山房詩文集

沈廷芳字晚叔一字菽林號椒園仁和人監生舉鴻博授編修官
至山東按察使有十三經注疏正字隱拙齋集

夏之蓉字芙蓉號醴谷江南高郵人雍正癸丑進士鹽城教諭乾
隆丙辰舉鴻博授檢討有半舫齋詩文集

齊召南字次風號息園浙江天台人雍正己酉副榜舉鴻博授檢
討官至禮部侍郎熟于三禮尤精地理之學有水道提綱歷代
帝王表後漢公卿表 賜硯堂詩寶綸堂文集

方觀承字遐穀號問亭又號宜田桐城人雍正間為平郡王記室
以布衣 召見賜中書銜尋以軍功補實薦鴻博不就試官
至直隸總督謚恪敏精三禮與秦味經司寇同撰五禮通考官
畿輔時尤留心水利先後延趙一清戴震輯直隸河渠書一百
三十餘卷惜未梓行有述本堂集問亭集宜田彙稿

馬曰琯字秋玉號懈谷安徽祁門人家揚州候選縣丞博學工詩
有沙河逸老集

馬曰璐字佩兮號半槎候選知州薦鴻博不就試與兄曰琯齊名
稱二馬家有小玲瓏山館藏書甲東南名流咸集極觴詠之盛
有南齋集

方貞觀字履安號南堂桐城人諸生薦鴻博不就試工書近汪退
谷有南堂詩鈔

周京字西穆一字少穆號穆門晚號東雙橋居士錢塘人貢生考
授州同知薦鴻博不就試工書負詩名有无悔齋集

陳撰字楞山號玉几鄞縣人布衣僑居錢塘薦鴻博不就試善畫
有玉几山房吟卷繡鈇集

厲鶚字太鴻號樊榭錢塘人康熙庚子舉人乾隆丙辰薦試鴻博
熟于宋元以來叢書稗史撰宋詩紀事遼史拾遺及院畫錄玉
臺書史詩幽雋孤澹成一家詞冷峭獨絕有樊榭山房集

萬光泰字循初號柘坡秀水人諸生乾隆丙辰薦試鴻博中本科
舉人精周髀之學工詩有柘坡詩稿

昭代名人尺牘小傳

卷二十一

胡天游字穉威一名駮字雲持又姓方山陰人由副貢生薦試鴻博再薦經學文工四六有石筍山房集

汪沆字師李一字西巔號槐塘錢塘人諸生少從樊榭學詩薦試鴻博著有湛華軒雜錄小眠齋讀書日札新安紀程全閩采風錄蒙古氏族略識小錄泉亭瑣事汪氏文獻錄小眠齋稿槐塘詩文集等書

趙昱字功千原名殿昂晚號谷林仁和人貢生薦試鴻博家有小

山堂藏書最富與厲鶚等七人搜集南度遺事各為南宋雜事詩百首盛行于時有愛日堂集

趙信字意林仁和人監生薦試鴻博與從兄谷林稱二林並擅詩名有秀硯齋吟稿

朱稻孫字稼翁秀水人竹垞太史孫西峻子貢生薦試鴻博隸書得家法有六峰閣詩稿

張庚字浦山號瓜田又號彌伽居士秀水人布衣薦試鴻博工畫山水著有畫徵錄強恕齋詩集

德保氏索綽絡字仲容一字潤亭號定圃又號龐村滿洲正白旗人乾隆丁巳進士官至禮部尚書嘉慶初年賜謚文莊有

樂賢堂詩文鈔

沈德潛字確士號歸愚長洲人以廩生薦試鴻博早負詩名乾隆己未進士改庶吉士年已六十七官至禮部侍郎加尚書銜謚文愨所選古詩源唐詩別裁明詩別裁國朝詩別裁學者奉為圭臬壽九十七有竹嘯軒詩歸愚詩鈔

袁枚字子才號簡齋錢塘人十二歲補諸生二十一歲薦試鴻博乾隆己未進士改庶吉士出知溧水江浦沐陽江寧等縣並著能聲三十二歲乞歸作園于江寧小倉山下曰隨園四方之士

至江南者必造訪之投詩文無虛日享盛名五十年有小倉山房集隨園詩話隨園隨筆

裘曰修字叔度一字漫士號諾臯新建人諸生薦試鴻博乾隆己未進士官至工部尚書謚文達有灌亭詩鈔

鄭虎文字炳也號誠齋秀水人乾隆壬戌進士官左贊善有吞松閣集

錢維城字宗磐一字幼安號稼軒武進人十歲能詩十二三能騷賦古文乾隆乙丑第一人及第官至刑部侍郎贈尚書謚文敏書法東坡畫山水得元人黃王筆意奉勅進御之作

上親為題詠者至數十軸有茶山集

梁國治字階平號瑤峰又號豐山會稽人乾隆戊辰第一人及第官至東閣大學士謚文定有敬思堂詩集

朱珪字石君號南崖晚號盤陀老人大興人與叔兄筠有二朱之目乾隆戊辰進士入翰林年十八官至太子太傅體仁閣大學士高宗時命入直南書房侍睿皇帝學

凡所陳說無非唐虞三代之言卓然有古大臣之風謚文正著有知足齋詩集文集

劉墉字崇如號石庵諸城人文正公子乾隆辛未進士官至體仁

閣大學士謚文清書法魏晉筆意古厚嘉慶十年奉
旨刻
清愛堂帖有石庵詩集

周於禮字立崖號亦園雲南岷峨人乾隆辛未進士官大理寺少
卿書法東坡有敦彝堂集

惠棟字定宇號松崖元和人周惕孫士奇子諸生承其家學於經
史諸子稗官野乘及七經陔緝之學無不肄業及之乾隆辛未
以經學徵專心治經尤邃于易有易漢學周易述易微言易例
明堂大道錄禘說古文尚書考左傳補注九經古義漢事彙最
後漢書補注漁洋精華錄訓纂松崖文鈔等書

錢載字坤一號箴石又號瓠尊晚號萬松居士秀水人雍正壬子
副榜薦試鴻博再薦經學乾隆壬申進士官至禮部侍郎詩精
深于杜韓蘇黃脫去蹊徑自名一家工書善水墨花卉有箴石
齋詩文集

翁方綱字正三號覃溪大興人乾隆壬申進士官至內閣學士左
遷鴻臚寺卿重宴瓊林加二品銜書學永興長于考證金石有
復初堂集

昭代名人尺牘小傳

卷二十二

梁同書字元穎號山舟晚號不翁九十外又號新吾長翁錢塘人
文莊公子乾隆壬申 特賜進士官翰林侍講年四十七乞歸
嘉慶丁卯重宴鹿鳴加學士銜書出入顏柳米董自立一家負
盛名六十年所書碑版徧寰宇與劉石庵王夢樓並稱劉梁王
收藏 國朝尺牘甲於天下卒年九十三有頻羅庵集
秦大士字魯一號澗泉江寧人乾隆壬申第一人及第官至侍讀
學士

盧文弨字召弓號磯漁又號抱經餘姚籍仁和人徵士存心子馮景之外孫桑調元之女夫浙涵緒論具有原本乾隆壬申第三及第官至翰林院侍讀學士著有儀禮注疏詳校廣雅注羣書拾補鍾山札記龍城札記及抱經堂集校刊古書最精有抱經堂彙刻書

紀復亨字元穉號心齋歸安人乾隆壬申進士官至鴻臚寺少卿顧光旭字華陽號晴沙無錫人乾隆壬申進士官甘肅涼莊道以書名有梁溪詩鈔響泉集

倪承寬字餘彊號敬堂仁和人乾隆甲戌第三及第官太僕寺卿阮葵生字寶誠號唐山山陽人乾隆壬申舉人官至刑部侍郎有七錄齋集

陸曜字朗夫號青來吳江人乾隆壬申舉人官至湖南巡撫以廉潔稱所著漕運考于河渠多所裨益有切問齋集

徐良字鄰哉號又次居士華亭人乾隆壬申舉人官夔州知府工書似董文敏

王又曾字受銘號穀原秀水人少與同里錢宗伯以詩名有錢王之目乾隆甲戌進士官刑部主事有丁辛老屋集

朱筠字美叔號竹君又號笥河大興人乾隆甲戌進士由翰林院

侍讀學士降編修博聞宏覽好獎掖後進承學之士望為依歸
督學所至以經學六書倡陸錫熊程晉芳皆所取士戴震邵晉
涵汪中黃景仁洪亮吉先後皆在幕中好金石文字著十三經
文字同異未成書法參六書有隋以前體詩文有筭河集

紀昀字曉嵐直隸獻縣人乾隆甲戌進士官至禮部尚書在詞垣
奏請將永樂大典內人間罕覩之書鈔錄流布既而 詔求
天下遺書開四庫館命昀與陸錫熊為總纂撮其大凡撰為提
要未著錄者則為存目以識之其應制之作為詞苑所宗謚文
達有紀文達公遺集

王昶字德甫一字琴德號蘭泉晚號述庵青浦人乾隆甲戌進士
官至刑部侍郎早負詩名與王鳴盛錢大昕吳泰來曹仁虎趙
文哲黃文蓮為江南七子所選湖海詩傳極數十年交遊之盛
又選 國朝人詞為今詞綜多藏金石碑版撰金石粹編一百
六十卷著有春融堂集

王鳴盛字鳳喈號禮堂又號西莊晚稱西泚嘉定人乾隆甲戌第
二人及第官至內閣學士兼禮部侍郎改光祿寺卿與惠松崖
交撰尚書後案三十卷專宗鄭注亡逸者采馬融王肅注補之
又撰十七史商榷百卷蛾術編百卷詩文負重名有耕養齋集

西泚居士集

錢大昕字及之又字曉徵號辛楣又號竹汀嘉定人乾隆甲戌進士官至少詹事六經百家無所不通凡經義之聚訟難決者皆能剖析源流文字音韻訓詁天算地理氏族金石以及古人爵里事寔年齒莫不瞭如指掌繼崑山秀水而起當代推為通儒尤精算術通中西兩法有梅氏所不能言者衍漢三統術據班志以闡劉歆之說二千年已絕之學復明所為文皆經史精液不矜法以自雄有潛研堂文集十駕齋養新錄唐石經考異經典文字考異聲類廿二史考異南北史高修唐書史臣表唐五代學士年表宋學士年表元史氏族表補元史藝文志三史拾遺諸史拾遺通鑑注辨證四史閏朔考潛研堂金石文跋尾金石文字目錄恒言錄竹汀日記鈔潛研堂詩集吳興舊德錄先德錄洪文惠文敏王厚齋王弇州年譜天一閣碑目疑年錄三統術衍風俗通義逸文詞垣集長興縣志鄞縣志等書

周升桓字穉圭號山茨嘉善人乾隆甲戌進士以侍講出為廣西

蒼梧道書法東坡有皖遊詩存

朱休度字介裴號梓廬秀水人乾隆癸酉舉人官山西廣靈知縣詩深于南宋排比聲律最精有壺山自吟稿

彭元瑞字掌仍號雲楣南昌人乾隆丁丑進士官至工部尚書早直西清應奉文字婉麗清新往往出人意表所選宋人四六為時傳誦贈太子太保協辦大學士謚文勤

蔣士銓字心餘一字茗生號清容江西鉛山人乾隆丁丑進士官編修與彭尚書同鄉同官 上賜詩有江右兩名士之目風神散朗如魏晉閒人博通淹雅善詩古文辭詩與袁簡齋趙甌北稱袁蔣趙有忠雅堂集兼工南北曲有雪中人等傳奇九種彭紹升字允初號尺木長洲人侍講定求曾孫尚書啟豐子乾隆丁丑進士壯歲即喜浮屠氏之學禮佛不下樓者四十年文有二林居集一行居集詩有測海集觀河集

昭代名人尺牘小傳

卷二十三

王文治字禹卿號夢樓丹徒人乾隆庚辰第三人及第官翰林侍
讀出為雲南知府書秀逸天成得董華亭神髓與錢塘梁學士
齊名世稱梁王學士每自謂不如蓋天分不可及也詩宗唐人
有夢樓詩集

畢沅字纓蘅號秋帆江南鎮洋人少從長洲沈宗伯惠徵君遊乾
隆庚辰第一人及第官至湖廣總督愛才若渴一時名士多遊
其門輯續資治通鑑二百二十卷史籍考關中勝蹟圖記關中

許

山

中州諸金石志河間書畫錄精鑒藏刻經訓堂法帖自號靈巖
山人有靈巖山人集

趙翼字雲松號甌北江南陽湖人乾隆辛巳第三人及第官貴西
道重宴鹿鳴加三品銜以詩名有 皇朝武功紀盛廿二史劄
記陔餘叢考簷曝雜記十家詩話甌北集等書

王杰字偉人號惺園陝西韓城人乾隆辛巳第一人及第官至東
閣大學士工書謚文端

李文藻字素伯一字荏畹號南礪山東益都人四川籍乾隆辛巳
進士官廣東知縣升桂林府同知著政績好金石刻為嘉定錢
氏入室弟子有恩平潮陽桂林諸集

曹仁虎字來殷號習庵嘉定人乾隆辛巳進士官侍講學士工詩
名聞海外在禁林每遇大禮高文典冊皆出其手視學廣東時
聞母訃匝月號泣以毀卒有宛委山房詩容鏡堂文稿

段玉裁字若膺號茂堂金壇人乾隆庚辰舉人四川巫山縣知縣
遊戴東原之門湛深經史尤精六書有說文解字注六書音均
表周禮漢讀考儀禮漢讀考古文尚書撰異毛詩詁訓傳經韻
樓集等書

王宸字紫凝號蓬心太倉人麓臺司農曾孫畫得家法乾隆庚辰

舉人官永州知府

盛百二字晴川號袖堂秀水人乾隆丙子舉人官山東淄川知縣
有皆山閣詩集袖堂筆談等十餘種

梁燾字聞山號松齋安徽亳州人乾隆壬午舉人官四川巴東知
縣工書與錢塘梁學士會稽梁文定有三梁之目

姚鼎字姬傅桐城人乾隆癸未進士官禮部郎中嘉慶庚午重宴
鹿鳴加四品銜工書長于古文有惜抱軒集

褚廷璋字左莪號筠心長洲人乾隆癸未進士由翰林院侍讀學
士降部曹乞歸有筠心詩鈔

戴震字東原休寧人乾隆壬午舉人薦充四庫館纂修官少從

江慎修遊禮經制度名物及推步天象皆洞徹原本既乃研精
漢儒傳注及說文諸書由聲音文字以求訓詁由訓詁以尋義
理實事求是主一家己未特授翰林院庶吉士著有毛

鄭詩考正某溪詩補注尚書義考儀禮考正考工記圖爾雅文
字考大學補注中庸補注孟子字義疏證續天文略水地記方
言疏證原善原象歷問古歷考勾股割圜記策算聲韻考聲類
表屈原賦注東原文集等書所校大戴禮記水經注尤精核

趙文哲字升之號璞函上海人以詩文名乾隆壬午召試舉

人官中書從軍滇南既又隨定邊右副將軍溫福討蜀兩金川
晉戶部主事與木果木之難卹贈光祿寺少卿有姘雅堂俶隅
等集

尹壯圖字萬起一字楚珍雲南蒙自人乾隆丙戌進士官至內閣
學士兼禮部侍郎以參奏天下倉庫虧缺降補御史致歸

余集字蓉裳號秋室仁和人乾隆丙戌進士官至侍講學士重赴
鹿鳴加三品銜善畫山水尤工美人有秋室詩鈔

曹錫寶字鴻書號劔亭上海人乾隆丁丑進士官御史時劾和珅
家人不法吏議革職 詔特原之仍令留任嘉慶初 上

念其敢言追贈副都御史

張塤字商言號瘦銅吳縣人乾隆乙酉舉人官內閣中書有竹葉
庵集

程晉芳初名廷鑽字魚門號蕺園歙縣人家江都乾隆辛卯進士
官吏部郎中以校勘四庫全書改編修有勉行堂詩文集

邵晉涵字與桐又字二雲餘姚人乾隆辛卯會元官至侍講學士
博聞強識四部七錄靡不研究尤長于史在史館最久輯有
皇朝大臣謚蹟錄所著爾雅正義以郭注為宗兼采樊劉孫李
諸家承學之士多從之又有孟子述義穀梁正義韓詩內傳考

輜軒日記南都事略輿地金石碑目南江詩文稿等書

錢澧字東注號南園雲南昆明人乾隆辛卯進士官通政司副使

居臺諫慷慨敢言

李長庚字超人號西巖福建同安人乾隆辛卯武進士授藍翎侍

衛歷官福建水師提督調浙江提督晉閩浙水師總統擊蔡牽

中礮陣亡于黑水洋追封三等壯烈伯謚忠毅著有水戰紀略

孔繼涑字信夫號谷園曲阜人行聖公傳鐸子乾隆戊子舉人候

補中書工書為張文敏女夫得其筆法有小司寇之目刻其書

為瀛海仙班帖十卷精於鑒別碑版有玉虹樓帖十六卷鑿真

帖二十四卷摹古帖二十卷又國朝名人法書十二卷並行

於世

金榜字輔之號榮齋歙縣人乾隆壬辰第一人及第官修撰師事

江慎修治禮宗鄭康成著禮箋

鐵保氏棟鄂字冶亭號梅庵滿洲正黃旗人乾隆壬辰進士由吏

部郎中改翰林侍講學士官至兩江總督工書有梅庵詩鈔

昭代名人尺牘小傳

卷二十四

吳錫麒字聖徵號穀人錢塘人乾隆乙未進士官祭酒工詩詞駢

體文有有正味齋集

秦瀛字凌滄號小峴無錫人乾隆甲午舉人官至刑部侍郎有小

峴山人集

馮敏昌字伯求號魚山廣東欽州人乾隆戊戌進士官編修改刑
部主事工書有華山小志河陽金石錄文章心印孟縣志師友
淵源集小羅浮草堂詩文集

許

印

錢世錫字慈伯號百泉秀水人擇石宗伯子乾隆戊戌進士官檢
討工詩有鹿山野屋集復齋隨筆

法式善氏伍堯本名運昌奉

旨改今名字開文號時帆蒙古

正黃旗人乾隆庚子進士官祭酒輯清祕述聞槐廳載筆足資
掌故尤工于詩選同時人所作曰及見錄有存素堂稿

武億字虛谷河南偃師人乾隆庚子進士官山東博山知縣以杖
和相番役罷教授齊魯間嘉慶己未

詔起引 見未行卒

于家著讀經考異羣經義證三禮義證讀史金石集目授堂金
石跋錢譜授堂詩文集等書

趙懷玉字億孫號味辛晚號收庵武進人乾隆庚子

召試舉

人官中書出為兗州府同知工詩與同里孫淵如洪楫存黃仲
則並稱孫洪黃趙有亦有生齋集

汪端光字劔潭又字礪曇號叢睦江南儀徵人乾隆辛卯舉人官
廣西鎮安府知府工詩詞有沙江晚霞才退諸集

江聲字叔灃一字鯨濤號良庭元和人布衣學于惠定宇精古文
尚書說文之學生平不肯用俗字尺牘皆依說文著有尚書集
注音疏及經史子準繩論語竢質恒星說嘉慶元年舉孝廉方
正

程瑤田初名易以字行更字易田又字易疇歙縣人乾隆庚寅舉人官嘉定教諭有通藝錄

錢坫字獻之號十蘭嘉定人竹汀少詹族子官乾州州判考證金石最精篆書得漢人法孫淵如稱為本朝第一晚年用左腕書筆力蒼厚款或署泉坫有九經通借字考詩音表車制考爾雅釋地四篇法論語後錄說文斟詮等書

汪中字容夫江都人乾隆丁酉拔貢生精六書說文金石之學晚年專治經術解經有神識病古人之疑周官左傳也為周官徵文及左氏春秋釋疑著有述學內外篇皆有益經術維持世道之言又有廣陵通典金陵地理考春秋後傳知新記

黃易字小松號秋盦錢塘人官山東運河同知專精金石之學嘉定錢氏青浦王氏大興翁氏陽湖孫氏儀徵阮氏多與商榷論定工畫山水有小蓬萊詩

鮑廷博字以文號涿飲歙縣人諸生家錢塘藏書甲浙右校刊書籍亞于汲古閣刻知不足齋叢書二十八集嘉慶十八年欽賜舉人年已八十六逾年卒工詩有花韻軒詠物詩存羅聘字遜夫號兩峰江都人師杭郡金農畫人物仙釋有別趣所作鬼趣圖最著名乾隆間名人題詠殆徧有香葉草堂詩存

奚岡字鐵生號蒙泉又號鶴渚散人錢塘人書做倪迂畫山水似李檀園為時所珍有冬花盦詩集

方薰字蘭坻石門人布衣詩書畫並妙寫生尤工與奚岡齊名稱方奚一時能手無出二人之上有山靜居稿

金德輿字鶴年號雲莊又號鄂巖桐鄉人官刑部主事善書精鑒藏有桐華館詩鈔

范承祺字鳳頤別字莪亭鄞縣人乾隆丙午舉人工篆隸印刻為天一閣後人所藏明代國朝尺牘甲于東南

宋葆濤字帥初號芝山又號倦馭山西安邑人乾隆癸卯舉人官

解州學正長于金石考據善鑒別工畫山水得北宋人法

趙魏字洛生號晉齋仁和人歲貢生考證碑版最精生平所藏金石有竹菴庵金石目年至篤老雖衣褐不完猶堅守勿釋可謂好古成癖者矣

吳東發字侃叔號耘廬又號芸父海鹽人歲貢生學邃于尚書受業錢少詹之門善讀金石文字撰羣經字考書序鏡尚書後案質疑商周文拾遺石鼓讀金石文跋尾續善畫山水工詩有耘廬詩鈔

吳文溥字博如號澹川嘉興人恩貢生工詩有南墅堂詩集筆記

黃景仁字仲則武進人諸生議叙縣丞未及選卒年三十五詩負
重名與洪稚存稱洪黃兼工詞有兩當軒詩竹眠詞

孫星衍字伯淵一字淵如號季述陽湖人乾隆丁未第二人及第
授編修和相知其名欲一見卒不往改刑部主事歷官山東督
糧道深究經史文字音訓之學旁及諸子百家皆心通其義研
精金石碑版工篆隸校刻古書最精詩文名著海外與同里洪
稚存齊名稱孫洪所撰有尚書古今文義疏周易集解夏小正
傳校正魏三體石經殘字考倉頡篇孔子集語史記天官書考
證寰宇訪碑錄平津館金石萃編孫氏家藏書目內外編續古
文苑問字堂岱南閣五松園平津館文稿芳茂山人詩錄等書
惲敬字子居武進人乾隆癸卯舉人官江西瑞金知縣善古文有
大雲山房初二集

伊秉綬字組似號墨卿福建宜化人乾隆己酉進士守惠州多善
政再知揚州力持風雅文采映耀一時道光二年入祀三賢祠
為四賢祠書似李西涯尤精古隸獨不喜趙文敏蓋不以其書
也有留春草堂詩集

錢楷字宗範號裴山嘉興人乾隆己酉會元官至安徽巡撫善分
隸工畫山水有綠天書舍存草

桂馥字未谷曲阜人乾隆庚戌進士官雲南永平知縣以分隸篆
刻擅名精於考證碑版有說文正義札樸晚學集等書

邢澍字雨民號佺山甘肅階州人乾隆庚戌進士官南安知府精
各史表志之學有全秦藝文志兩漢希姓錄金石文字辨異守
雅堂詩文集

洪亮吉字稚存陽湖人乾隆庚戌第二人及第官編修以言事遭
戍伊犁 特旨釋歸自號更生居士以詩文擅名經史注
疏說文地理靡不參稽鉤貫工篆書有附姑軒卷施閣更生齋
等集

張問陶字仲治號船山四川遂寧人文端公元孫乾隆庚戌進士
官檢討出為萊州知府以病辭自號藥庵退守濠于詩酒有青
蓮再世之目有船山詩集

熊方受字介茲號夢庵廣西永康人乾隆庚戌進士官山東兗沂
曹道有夢庵詩鈔

陳希祖字玉方江西新城人乾隆癸丑進士官御史工書得董文
敏晚年神髓有雲在軒稿

尤維熊字祖望號二娛元和人乾隆己酉拔貢生官雲南蒙自知
縣工詩尤長於詞有二娛小廬詩詞鈔

陳鴻壽字子恭號曼生錢塘人嘉慶辛酉拔貢生官江南海防同知善古隸工畫有桑連理館集

張惠言字皋文初名一鳴武進人嘉慶己未進士官翰林院編修工篆書學深于易禮著有周易虞氏義虞氏消息虞氏易禮易事易候易言周易鄭荀義易義別錄易圖條辨儀禮圖說文諧聲譜茗柯文集等書

吳鼎字及之又字山尊號抑庵安徽全椒人嘉慶己未進士官翰林院侍講學士善書畫工駢體文能詩有夕葵書屋疊韻詩
王芑孫字念豐號暢甫長洲人乾隆戊申 召試舉人充 咸

安宮教習後補華亭縣教諭書仿劉文清有淵雅堂詩文集

此傳當在吳文溥之後

